



新刊監本冊府元龜卷之六百四十一

貢舉部三

條制第三

唐文宗大和元年七月癸未今年權於東都置舉其明經進士任便東都赴其上都國子監舉人合在上都試及節目未盡者委條疏聞奏

八月禮部貢院奏東都置舉條件其上都國子監宗正寺鴻臚寺舉人並請待東都考試畢却迴就上都考試從之

十月中書門下奏應禮部應舉有出身人等凡未有出身未有官如有文學只合於禮部諸色科目選有官合於吏部赴科目選近年已來格文差互多有白身及用散試官并再補補並

科目選及注擬之時即妄論資次曾無格例有司不知其
實詞拔萃學究一經則有定制然亦請不在用散試官限其三
禮三傳一史三史明習律令等如白身並令國子監及州府同
明經一史三禮三傳同進士三史當年閑選吏部便授第二任
官如有出身及有正員官本是吏部常選人則任於吏部不限
選數應科選三史則超一資授官如制舉人管諸色人中皆
得選試則無出身官人並可亦請不用散試官從之

是月京兆府鄉貢明經三等三百人進狀舉大曆六年七
年例請同國子監生上都考試許之

二年十二月禮部二院奏五經明經舉人試義請准元和十四
年十月四日勅以累代口義許之

三年八月禮部奏進士舉人先試帖經并略問大義取經義精
通者次試議論各首文理高者便與及第其所試詩賦並停
者伏請帖大經各十帖通五通六為及格所問大義便於習大
經內准格明經例問十帖仍對衆試口議伏准新制進士畧
問大義緣初釐革令且以通三通四為格明年以後並依經明
例其所試詩論請各限五百字以上成勅旨依奏

四年十月中書門下奏應開元禮學究一經二禮三史明習律
令科人等准大和元年十月二十三日散勅試官及白身人並
於禮部考試其有出身及有官人並吏部科目選者凡是科目
不合在吏部試自分明兩處考試每處皆別于人數轉多事理
亦更臣等商量並准前吏部收試其諸節目並准大和元年十

月二十三日勅處分從之

七年八月制公卿士族子弟明年已後不先入國學習業不在應明經進士之限其進士舉宜先試帖經并畧問大義取經義精通者次試議論各一首文理高者便與及第所試詩賦並停其試帖官便國子監學官充禮部不得別更奏請弘文崇文兩館生齋即依令試經畢仍差都省郎官兩人覆試須責保任不得輒許替代

八年正月禮部奏明經、人崇文館生太廟郊神齋郎掌生等共五百五十二人今六色共請減一百三十八人從之是月禮部侍郎李漢奏准六和七年八月勅貢舉人不要試詩賦等且先帖大經小經共二十帖次對正義十道次試議論各一首訖

考覈放及第

是月中書門下奏進士放榜舊例禮部侍郎皆將及第人名先呈宰相然後放榜伏以委在有司固宜精慎宰臣先知取捨事匪至公今年已後請便放榜不用先呈人名其及第人所試雜文及鄉貢三代名諱並當日送中書門下便令定勅旨依奏八月詔罷諸色選舉以歲旱故也

九月勅吏部禮部兵部今年選舉近緣秋末蟲旱相因恐致災荒權令停罷及歛藏之後物力且任念彼求名之人必怀缺望之念寧違我令以慰其心宜依常例却置應緣所納文狀及銓試等期限仍准今年格文遞延一月

十月禮部奏進士舉人自國初以來試詩賦帖經待務策五道

中間或變改更旋即仍舊蓋以成法可守所取得人故也去年八月節文先試帖經口義論議等以臣商量取其折衷伏請先試帖經通數依新格處分時務策五道其中三道問經義兩道時務其餘並請准太和六年以前格處分勅旨依奏

九年十二月中書門下奏今月九日閣內面奏進旨今條流進士人數及諸色人等進士元格不得過二十五人今請加至四十人明經元格不得過一百一十人今請減十人伏以國家取士遠法前代進士之科下人為盛然于入仕須更指搗必使練達固在經歷起來年進士及第後三年任選委吏部依資足補州府參軍緊縣簿別官滿之後來年許選三考後聽諸使府奏用便入協律郎四行左未滿三考不在奏改限如任江淮官特

與免其綱使又聞每年貢士常僅千人據格所取其數絕少強學待用當年不試以貞介士老而無成甚可惜之臣等商量望付所司精求行藝起去年添滿四十人及第仍委禮部於所試諸色貢舉人元格數內先一十五人都守每年放出身黃衣人數永為定制編入常格庶令才人速得自効經於下位以致上達可之

開成元年正月詔文武之道合而兼濟勲臣子弟有能修詞務學應進士明經及通諸科者委有司先加獎引

自其年至二年三年並高錯知貢舉每年皆恩賜題目及第並四十人

三年五月禮部奏請如每年進士以三十人為限從之

十二月詔諸道應薦萬言童子等朝廷設科取士門目至多有官者各詣吏曹未仕者即歸禮部此外更或延引則為冗長起今後不得更有聞薦俾由正路莫絕倖門雖有是命而以童子為薦者比比有之四年十月勅每年明經及第宜更與十人

武宗會昌三年正月勅禮部所放進士及第人數自今後但擬才堪者即與不要限人數每年止於十人五人總得是月宰臣李德裕等奏舊例進士未放榜前禮部侍郎遍到宰相私第先呈及第人名謂之呈榜聞多所改換頗致流言宰相稍有寄情有司固無畏忌取士之濫莫不由斯將務責成在於不撓既無取舍豈必預知臣等仍向後便為定例如有故違御史糾舉奏者其時有勅重

試進士因栖靈塔且止

四年二月權知貢奉左僕射判太常卿王起下及第二十五人

續奏五人堪放及第坊看至竇絨楊嚴鄭朴源重奉勅只放楊

嚴及第餘並落下王起呈宰相取可否復人數不多宰相延英論言

主司試藝不合取宰相與奪比來貢舉艱難放人絕少恐非引誘之道帝曰貢院不會我意不放子弟即大迎無論子弟寒門但取資藝王李德裕對曰鄭肅封教有好子弟不敢應舉帝曰我比聞楊虞卿兄弟朋比貴勢妨平人道跡昨楊知至鄭朴之徒並令落下即其大甚耳德裕曰臣無名第不合言進士之非然臣祖天寶未以仕進無地政勉隨計一舉登第自不放私家置文選蓋惡其祖尚浮華不根藝實然朝廷顯官須是公卿子弟后者因小便習舉業目熟朝廷問事臺閣儀範班行准則不教而自成寒士縱有出人之才登第之後始得一班一級固不能習熟也則子弟成名不可輕矣

十月中書門下奏朝廷設文學之科以求髦俊臺閣清選莫不由茲近緣覈實不在於鄉問題名頗雜於非類致有拔扈之地

情計交通將澄化源在舉明憲臣等商量今日以後舉人於禮部納家狀後望依前三人自相保其衣冠則以親姻故旧久同遊處其有江湖之士則以封壤接近素有諳知者為保如有缺孝弟之行資朋黨之勢跡由邪徑言涉多端者並不在就仕之限如容情故自相隱蔽有人糾舉其同保人並三年不得赴舉仍委禮部明為戒勵編入舉格從之

五年三月中書門下奏貢舉人並不許於兩府取解仰於兩都國子監就試

宣宗大中元年正月禮部侍郎魏扶放及第二十三人續奏其放及第三人封彥深崔瑒鄭延休等皆以文藝為衆所知其文皆在重任不得選人其所試詩賦並封進奉進止令翰林學士

戶部侍郎知制誥高宗等考盡合程度其月二十五日奉進士并赴所司放及第二日司考試只合在公如涉徇私自有刑典從今以後但依常例取捨不得別有奏聞是月勅自今放進士榜後杏園任依旧宴集所不得禁制

六月中書門下奏貢舉人取解宜准旧條於京兆府河南府集試從之

十年四月禮部侍郎鄭顥進諸家科目記十三卷勅付翰林自今放榜後仰寫及第人姓名及所試詩賦題目進入內仍付所司逐年編次

五月中書門下奏據禮部貢院見置科目內開元禮三禮三傳三史學究道舉明算明法童子等九科近年取人頗濫曾無實

藝可採徒添入仕之門須議滌流俾精事業臣等已於延英面
論伏奉聖旨將文字來者其前件九科臣等商量望起其中十
年權停三年滿後至時赴試者令有司可據所與人先進名令
中書舍人重覆問過如有本業精通堪備朝廷顧問即作等等
進名候勅處分如事業荒蕪不合送名數者考官當議朝責其
童子近日諸道所薦道者多年蔭已過偽稱童子考其所業又
是常流起今已後望令天下州府薦送童子並須實年十一十
二已下仍須精熟一經月全通兼自能書寫者如違制條本道
長吏亦議懲罰從之

十二年三月中書舍人李滿知舉放博學宏辭科陳琬等二人
及進詩賦論等召滿謂曰所賦詩中重用字何如滿曰錢起湘
靈鼓瑟詩有重用字乃是庶幾帝曰此詩似不及起乃落下

十三年十一月河東節度使令狐綯以其子滿求應進士舉勅
曰令狐滿多時舉人望有文學流輩所許合得科名比以父綯
職在樞衡避嫌不赴今因出鎮却就舉場况諧通規合試至藝
宜令主司准大中六年勅考試只在至公如涉徇情自有刑典
從今已後但依常例放榜本司取士貴在得人去留之間唯理
所在

懿宗咸通十一年四月勅去年屬以用軍之際權停貢舉一年
今既偃戈却宜仍舊來年宜別許三十人及第進士十人明經
一十人已後不得援例

景宗天祐三年正月國子監奏得監生郭應圖六十人等狀稱

伏覩今年六月五日勅文應國學與諸道等明經一例解送兩
人者應圖等早辭耕稼夙慕詩書自拋鄉邑之中便忝國庠之
內棲遲守學輒軻于時未諧昇進之期却抱減退之患苟或諸
道解送監府同條實謂首尾難分本枝無異伏請聞奏俾遂渥
恩者又河南府奏當府取解明經舉人周定言等二十七人各
據取解差司錄叅軍崔蘊考試並已及格伏緣明經舉人先准
勅諸州府解送不得過二人者今當府除去留外見在二十七
人考試並已及格若送二人必恐互有爭論難以指揮者勅曰
取士之科明經極重每年人數已有舊規去夏雖舉滌流蓋慮
所司踰濫今者國子監既有聞奏河南府亦具臣論不念遠人
何以誘進只在乎斥陟之際切務公平又何必解送之時便為
沙汰將免遺才之嘆汝開汲善之門特改舊條俾循往例國子
監河南府所試明經並依准常例解送禮部所放人數亦許酌
量施行但不得苟徇喁求遂致僥倖兼下諸道准此二月禮部
奏伏以累年朝廷多事道途艱辛在遠舉人併阻隨計逐年所
司放榜人數不常量其少多臨事增減今者干戈稍弭水陸漸
通舉人等皆負笈擔登裂裳裹足來求試藝競切觀光雖人數
不廣於近年而貢籍頗甚其屈譽至於俊造亦有其人臣今欲
於去年數外更放三數人佇開勸誘之門以贊文明之運已選
今月二十一日放榜伏候進止者勅曰朝廷取士之科每歲擇
才之重必資藝實以副勤求或來自遠途或久稽鄉薦今年就
試多有屈人所司奏論是宜俞允苟叶無私之道俾開振滯之

門切在精詳佇勸公當其禮部放所進士於舊年人數外宜令更添兩人

梁太宗開平元年六月詔近諸道貢舉人當藩方秋薦之時不親試者號為拔解非所以責實也帝因知之乃下令止絕

三年勅滌流禮部貢每年明經及第不得過二十人

四年十二月兵部尚書知舉貢姚洎奏曰近代設詞利選胄子蓋所以網維名教崇樹邦本者也曩時進士不下千人嶺徼海隅偃風向化近歲觀光之士人數不多加以在位臣僚罕有子弟就其寡少復避嫌忌實恐因循漸為廢墜今在朝公卿親屬將相子弟有文行可取者請許所在州府薦送以廣毓材之義從之

乾化元年十二月以尚書左僕射楊涉知禮部貢舉非常例也前代自唐武德貞元之後但委考功員外郎掌之至開元二十五年員外郎李昂為士李權所訟由是中書奏請以禮部侍郎專焉其間或以他官領者多用中書舍人及諸司四品清資官唯會昌中命太常卿王起主貢舉時乃檢校僕射耳

後唐莊宗同光二年三月勅選舉二門仕進根本當掄擇于多士全委伏於有司苟請託是從則踰濫斯極况方行公事已集群材須行戒勵之門俾絕僥求之路宜令吏部禮部掄材考藝必進於精詳滅私循公無從於請託仍委三銓貢院榜示省門曉告中外

十月中書門下奏猷可効忠前經之令典因時建議有國之明

規道既矜於成化事亦敷於兢勸敢裨宸聽輒罄芻言伏惟陛下業茂經綸功成理定五材七德威冠於伐謀百氏三墳義彰於知教爰自中興啓運下武膺期照臨日月而光華鼓舞而乾坤交泰英明取士睿哲崇儒誠宜便廣於搜羅豈可尚令於淹抑但以今春貢士就試不多即日選人磨勘未畢宗伯莫臻於俊又天官難辨於妍媸况已遇秋期將行公事例開道路悉是家貧比及到京多踰程限文闈選部皆礙滌流伏請權停貢選一年俟遷駑者更勵進脩希干祿者益加修省然後精求良幹博採異能免有遺賢庶同樂聖勅舉選二門國朝重事但要精確難議權停宜准前處分

三年三月勅禮部考院今年新及第進士符蒙正成僚王徹桑維翰四人國家歲命春官首司貢籍高懸科級明列等差廣進善之門為取士之本所重者藝行兼著鄉里有稱定才實之淺深振聲名於夷夏必當得雋允副旁求爰自近年滯成澆俗多聞濫進全爽舊章朕自興復丕圖削平偽紀方作事以謀始盡革故以鼎新蓋欲窒弊止訛去華務實誠為要道無切於斯今據禮部奏所放進士符蒙正等四人既慊輿情頗干浮論須令覆試俾塞群言又遣考詳貴從精覈及再覽符蒙正成僚等呈試詩賦果有疵瑕今若便有去留慮乖激勸儻無昇降即耽甄明况王徹體物可嘉屬辭甚妙細披製作最異儕流但應試以効成或永對而不切桑維翰苦無紕繆稍有工夫止當屬對之間累失求妍之美須推事藝各定否臧貴叶允平庶諧公共其

王徹改為第一桑維翰第二符蒙正第三成僚第四禮部侍郎
裴臯在掄材之際雖非阿私當定名之時頗虧優劣但緣符蒙
正等既無絀落裴臯時議寬容勿負憂疑已泛釋放自今後應
禮部常年所試舉人雜文策等候過堂日委中書門下准本朝
故事細加詳覆方可奏聞不得輒徇人情有隳事實時命盧質
覆試於翰林院試君從諫則聖賦以堯舜禹湯傾心求過為韻
臣事君以忠詩是歲試進士科者數十人裴臯精選其文惟得
王徹輩或譖毀於宣王使李紹宏曰今年新進士不由才進各
有阿私物議以為不可紹宏訴於郭崇韜因奏令盧質覆試質
為賦韻五平聲三側聲且踰常試之日中外騰口議者非之
五月禮部貢院奏當司准流內銓牒應諸定冬集舉人內有前

鄉貢童子者三銓已前團奏冬集皆豎前鄉貢童子各准格文
只有童子科此無鄉貢字銓司先為請定冬集舉人九經張仲
宣等內有前鄉貢明經童子成光誨遂檢尋六典及蘇冕會要
又無本朝書子細討檢惟有閏十二年十二月勅諸道應薦萬
言及童子起今後不得更有聞薦據此童子兩字皆由諸道表
薦固無鄉貢之名又無口議帖經亦不合有明經之字近可止
於諳誦便號神童此外格文別無童子其成光誨銓司准格只
收豎前童子團奏去二月十五日具申留司宰臣取裁奏例准
申者伏緣三銓見團奏冬集內有鄉貢及明經字已依成光誨
例准格只豎童子團奏次者伏以院司常年考試皆憑諸道表
薦降勅下到當司准格考試及格者便放及第其同光二年童

子郭忠恕等九人皆是諸道表薦童子勅內并納到家狀並有鄉貢兩字院司檢勘同便榜示引試及第後先具白關牒報吏部南曹續便團奏春官奏狀下到中書省追當司元下納家狀點檢同覆奏放勅經過諸處勅下後方始到當司備錄黃關牒報御史臺尚書省并吏部南曹今准流內銓牒伏緣院司承前皆憑勅命施行童子勅內並有鄉貢兩字若使落下恐涉專擅者奉勅起今後宜准開成三年勅文凡有官者並詣吏曹未仕者皆歸禮部其童子則委本州府依諸色舉人例考試給解送省任稱鄉貢童子長中不得表薦若無本處解送本司不在考試之限

八月勅條例諸道州府不得表薦童子

四年正月五科舉人許維岳等一百人進狀言伏見新定格文三禮三傳每科只放兩人方今三傳一科五十餘人三禮三十餘人三史學究一十人若每年止放兩人及一人逐年又添初舉縱謀脩進皆恐滯留臣伏見長慶咸通年放舉人元無定式又同光元年春榜亦是一十三人請依此例以勸進脩勅依同光元年例永為常式

明宗天成元年八月勅應三京諸道今年貢舉人可依常年例取解仍令隨處津送赴闕

二年正月尚書貢院禮部奏五經考試官先在吏部日長定合請兩員數年係屬貢院准新定格文祇令奏請一員兼充考試伏緣今年科目人數轉多却欲依舊請考試官各一員如蒙允

許續具所請官名銜申奏奉勅宜依

是年四月中書奏禮部貢院申當司奉今月六日勅吏部流內
銓狀申據白院狀申當司先准禮部貢院牒稱據成德軍衛送
到前進士王蟾狀請罷攝深州司功叅軍應宏詞舉前件人准
格例應重科合在吏部其王蟾并解送吏部請准例指蹤者當
司遂具狀申堂奉判送吏部分折近年事例如何者伏緣近年
別無事例今檢登科錄內於偽梁開平三年應宏詞登科二人
前進士余渥承旨舍人李愚考官二人司勳郎中崔景兵部員
外郎張貽憲者再具狀申堂奉判送吏部准例指揮者其前進
士王蟾應宏詞考官合在流內銓申請者前進士王蟾請
應宏詞伏自近年以來無人請應今詳格例合差考官二人又
緣只有王蟾一人獨應銓司未敢懸便奏請差官者奉中書門
下牒奏勅宜令禮部貢院就五科舉人考試者伏以舉選公事
皆有格條准新定格勅文宏詞拔萃准長慶二年格吏部差考
試官二人與知銓尚書侍郎同考試聞奏又准格節文內准大
和元年十月二十三日勅禮部諸色貢舉人及吏部諸色科目
選人凡無出身及未有官只合於禮部應舉有出身有官方合
於吏部赴科目選其請應宏詞舉前進士王蟾當司當年放及
第後尋已闕過吏部訖若應宏詞例侍南曾判成即是科選人
事理合歸吏部况緣五科考試官只考學業難於同考宏詞者
奉勅王蟾宜令禮部准往例差官考試

十二月勅新及第進士有聞喜宴春闈宴逐年賜錢四十萬

三年春趙鳳知貢舉場中利病備達天聽因勅進士帖經通三
即可五科試本業後對策全精即可諸經學帖經及格後於大
經汎問五義面書於試紙令直解其理通三即可對策並須理
有指歸言閔體要

七月工部侍郎任贊上言曰伏以聖代設科貢闈取士必自鄉
薦來規國光將叶公平惟求藝行蓋廣搜羅之理且非喧兢之
場伏以常年舉人等省門開後春榜懸時所習既未精妍有司
寧免黜落或嫉其先達或恣以厚誣多集怨於通衢皆取駭於
群聽頗虧教本却成亂階宜立新規以革前弊自今後諸舉人
不是家在遠方水陸隔越者望委令各於本貫選藝精通實寮
一人考試如非通賻不許妄薦儻考覈不當即試官請厚於甄
酬若薦送稍私并舉子盡歸於竄逐冀彰睿化免紊儒風庶絕
濫進之人共守推公之道是日勅宜令今後諸色舉人委逐道
觀察使慎擇有詞藝及通經官員各據所業考試及格者即與
給解仍具所試詩賦經帖通粗數一一申省未及格者不得徇
私發解兼承前諸道舉人多有京兆府寄應例以洪固鄉胄貴
里為戶一時不實久遠難明自此各於本道精解具言本州縣
某鄉某里某為戶如或寄應須具本貫屬入狀不得効洪固胄
貴之例文解到省後據所稱貫屬州府戶籍內如是無名本人
并給解處官吏必加罪責京百司發解就試准前指揮兼本下
貢院具本朝舊格諸色舉人每年各放幾人及第到日續更詳
酌處分

是月應將來三傳三禮三史開元禮學究等考試本業畢後引
試對策時宜今主司須於時務中採取要當策題精詳考校不
必拘於對屬須有文華但能周通文字典切即放及第如不及
此格雖本業精通亦須黜落應九經五經明經帖書及格後引
試對義時宜今主司於大經汎出問義五道於簾下書於試紙
令隔簾逐段解說但要不失疏注義理通二通三然後便令念
疏如是熟卷並須全通仍無失錯始得入策亦須於時務中選
策題精當考校如精於筆硯留意者得則以四六對仍須理有
指歸言閑体要如不曾于筆硯致公則許直書其事不得錯使
文字只在明於利害其問義念疏對策逐件須有去留

是月勅近年諸道解送童子皆越常規或年齒漸高或精神非
俊或道字頗多訛舛或念書不合格文主司若不去留貢部積
成乖弊自以後應諸道州府如公然濫發文解略不考選藝能
其逐處判官及試官並加責罰仍下貢院將來諸道應解送到
童子委主司精專考校須是年顏不高念書合格道字分明兼
無蹙失即放及第仍依天成三年例主司未出院闈便引就試
與諸科舉人同日放榜不得前却

十二月戊午禮部貢院以諸色及第人失墜出身請同年一人
充保次年及第二人充保即重給春闈已未以近令進人帖經
通三即放慮非所致今年令不及通三亦放來年秋賦詞人並
令對義

四年二月貢院雖鎖未試舉人勅先往京赴本省就試

七月貢院奏今年諸色及第舉人中有曾攝州縣官及有衙署攝牒兼或有正授官及曾在賓幕赴舉者諸條格中書奏及第人先曾授職官者宜令所司於守攝文書內監重應舉及第年月日或改名不改名分明印押惧其轉賜於人假資冒進也其中曾授正官御署并佐幕者仍約前任資序與除一任官如自中興已來諸科及第人曾授職官者並令所司追給文書到日准今年及第人例處分已授官者不在此限兼勅貢院將來舉人納家狀內各分析曾為官及不曾為官改名不改名其曾為職官者先納歷任文書及第後准例指揮從之

是月勅應今年新及第人給春闈並於敷政門外宣賜慮所司邀頡故也

十月中書門下滌流貢舉人事件應諸道州府送諸色舉人須准元勅差有才藝公正官考試及格然可給解仍具所試詩賦義目帖由送省如逐州府解內不監出前件指揮事節所司不在引試之限禮部貢院考試諸色帖經舉人今後據所業經書對義之時逐經須將生卷與熟卷中半考試不得依往例只將熟卷試問今後主司不得授內外官寮書題薦託舉人及安排考試官如或實諳知有才學精博者任具奏聞若受書題囑託致有屈人其主司與發書人並加黜責其所舉人別行朝典三銓南曹亦不得受諸色官員書題薦託選人如違並准前指揮應諸色落第人此後所司具所落事由別張懸文榜分明曉示除諸州府解送舉人外餘有於河南府寄應及宗正寺國子監

生等亦須准上指揮其中有依托朝臣者於解內具言在某官某姓名門館考試及第後並據姓名覆試諸色舉人至入試之時前五日內據所納到試紙本司印署訖却送中書門下取中書省印印過却付司給散逐人就試貢院合請考官試官今後選舉業精通廉慎有官者充入在朝臣門館人不得奏請奏勅宜依

是月兵部尚書盧質奏請逐年諸色貢舉人州府取解之時選強明官考試具詩賦義自送省從之

五年正月禮部貢院奏當司准天成三年十二月十八日勅文內准近勅自此進士試雜文後據所習本經一一考試須帖得通三已上即放及第者奉勅進士帖經本朝舊制蓋欲明先生

之旨趣潤才子之文章近代以來此道稍墜今且上從元輔下及庶寮雖負藝者極多能帖經者甚少恐此一節或滯群才既求備以斯難庶覓光而是廣今年凡應進士舉所試文策及格帖經或不及通三與放及第來年秋賦詞人所習一大經許令對義義目多少次第仍委所司件奏者其今年逐處所解送到進士當司引試雜文帖經後欲令別於所習一大經內對義目五道考試通二通三准帖經例放其入策其將來秋賦諸寺監及諸道州府所解送進士等亦准去年十月一日勅滌流考試其詩賦義目帖由等並解赴省如或不依以解送當司准近勅並不引試奉勅宜依

新刊監本冊府元龜卷之六百四十一

新刊監本冊府元龜卷之六百四十二

貢舉部

條制第四

後唐明宗長興元年二月勅傳科不精公穀虛有其名禮科未
達周儀如何登第兼知前後宣聞定制去留皆在終場博通者
混雜以進身膚淺者僥求而望事須頌明勅俾叶公途自此後
貢院應試三傳三禮宜今准進士九經五經明經例逐場皆須
去留不得俟終場方定仍具所通否粗一一旋於榜內告示其
學究不在念書可持試墨義三十道亦准上指揮如此則人知
激勸事有區分主司免致於繁忙舉子不興於潛濫仍付所司
學不念書新例也國朝所設五科唯學究文書最少乃今念其

經而通其義故曰學究今祇許對義即學者皆專於此科時論非之

五月勅宏詞拔萃明筭道舉百篇科並宜停廢

六月中書門下奏勅新及第進士所試新文委中書門下細覽詳覆方具奏聞不得輒徇人情有隳事躰中書於今年四月二十九日帖貢院准元勅指揮中書量重具詳覆者李飛賦內三處犯韻李穀一處犯韻兼詩內錯書青字為清字並以詞翰可嘉望特恕此誤今後舉人詞賦屬對並須要切或有犯韻及諸及雜違格不得放及第仍望付翰林別撰律詩賦各一首具體式一一曉示將來舉人合作者即與及第其李飛樊吉夏侯珙吳油王德柔李穀等六人盧價賦內薄伐字合使平聲字今使

側聲字犯格孫澄賦內御字韻使字字已落韻又使督字是上聲有字韻中押售字是去聲又有朽字犯韻詩內田字犯韻李象賦內一句六石慶兮並合使此奚字道之以禮合使此導字及錯下事常字韻內使方字詩中言十千十字處合使平聲字偏字犯韻揚文龜賦內均字韻內使民字以君上為驂駢之士失奉上之躰兼善字是上聲今押徧字是去聲如字內使輿字詩中偏字犯韻師均賦內仁字犯韻晏如書宴如又河清海晏晏字不合韻又無理晏字即落韻揚仁遠賦內賞罰字書伐字御勅字書鍼字詩內蓮蒲字合着平聲字兼忝梁不律王谷賦內御字韻押處字上聲則落韻去聲則失理善字韻內使顯字犯韻如字韻押殊字落韻其盧價等七人望許令將來就試仍

放再取文解高策賦內於字韻內使依字疑其海外音訛文意稍可望特恕此其鄭朴賦內言肱股詩中十千字犯韻又言玉珠其鄭朴許令將來就試亦放取解仍自此賓貢每年祇放一人仍須事藝精其張文室試士不得精當望罰一季俸今後知舉官如敢因循當行嚴典伏以國設高科人貪上第所望不小其業須精實以喪亂年多苦辛人少半失宣尼之道倍勞宗伯之心不望超群且須合格今逢聖運大闡皇猷設官共革於時訛選士實期於歲勝又朝廷拔藝為擇賢才臣下收恩豈成公道時論以貢舉官為立門恩門及以登第為門生門生者門弟子也顏閔游夏等並受仲尼之訓即是師門大朝所命春官不曾教誨舉子舉子是國家貢士非宗伯門徒况又斥先聖之名失為儒之躰今後及第人放榜時並須據才藝高低從上依次第安排不得以隻科取鼎岳斗之名為貴異從敦寔以息澆浮蕪不得呼春官為恩門師門不得自稱門生除賜宴外不得輒有率歛別謀勸會曾赴落第人無故不得改名將來舉人並依據地理遠近於十月三日下納文解如違不在收受之限勅旨從之

七月比部員外郎知制誥崔稅奏臣伏見開元五年勅每年貢舉人見訖宜令引就國子監謁先師學官為之開講質疑所司設食永為常式自經多故其禮寢停請舉舊典從之
八月勅其童子准往例委諸道表薦不得解送蕪所司每年所放不得過十人及所念書並須是部帙正經不得以諸雜零碎

文書虛成卷數兼及第後十一選集第一任未得授親人官是
月勅今後吏部所應宏辭拔萃宜並權停其貢院據見應進士
九經五經明經并五科童子名外其餘諸色科名亦且並停
十二月每年貢舉人所試詩賦多不依躰式中書奏請下翰林
院命學士撰詩賦各一首下貢院以為舉人式學士院奏伏以
體物緣情文士各推其工拙掄材較藝詞場素有其規程凡務
策名合遵常式况聖君御宇奧學盈朝儻令明示其模或患衆
貽其臧否歷代作者垂範相傳將期絕彼微瑕未若舉其舊制
伏乞下所司依詩格賦樞考書進士庶令職分互展恪勤從之
二年二月禮部貢院奏當司奉堂帖夜試進士有何條格者勅
旨秋來赴舉備有常程夜後為文曾無舊制王道以明規是設
公事須白晝顯行冀盛觀光尤敦勸善每取翰林學士往例皆
試五題共觀筆下搗詞不俟燭前構思其進士並令排門齊入
就試至時試畢內有先了者上曆晝時旋令先出其入策亦須
晝試應諸科對策並依此例餘准前後勅格處分晝試進士非
前例也

六月刑部員外郎和凝奏臣竊見明法一科久無人應今應今
請減其選限必當漸有舉人謹按考課令諸明法試律令十條
以識達義理問無疑滯者為通所貴懸待士自勤講學之功為
官擇人終免曠遺之咎况當明代宜舉此科勅旨宜升明法一
科同開元禮選數兼赴舉之時委貢院別奏請會刑法試官依

格例考試

先是天成三年十一月權判大理寺蕭希甫上言曰
臣聞禁暴亂者莫先於刑律勤禮義者尤切於詩書

刑律明則人不敢為非禮義行則時自然無事今詩書之教則業必有官刑律之科則世皆莫達近者大理正宋昇請置律學生徒雖獲上聞未蒙申舉伏乞特頒詔旨下付國庠令再設科許其歲貢仍委諸州各薦送一兩人就京習季候至業成便放出身餘許以卑官却還本處則率土之內盡會刑書免誤觸於金科異咸遵於皇化至是疑言之

三年正月詔曰貢舉之人辛勤頗甚每年隨計終日食貧須寬獎勸之門俾釋羈栖之歎今後落第舉人所司已納家狀者次年便赴所司就試並免再取文解兼下納文解之時不在拘以三旬但十月內到者並與狀受

十二月禮部貢院奏准會要長壽二年七月十日左拾遺劉承慶上疏曰伏見比年已來天下諸司所貢方物至元日皆陳在御前唯貢人獨於朝堂列拜伏請貢人至元日列在方物之前以備充庭之禮制曰可近年直至臨鑠院前赴應天門外朝見

今後請今舉人復赴正仗仍緣今歲已晚貢士未齊欲且據見到人點引牒送四方館至元日請令通事舍人一員引押朝賀列在貢物之前或以人數不少即請祇取請科解頭一人就列其餘續到者候齊日別令朝見如蒙允許當司即於都省點別習儀奉勅宜准元勅處分餘宜依

四年二月知貢舉和凝奏舉人就試日請皇城司差人於院門前聽察舉人挾帶文書入院請殿將來舉數目一舉至三舉放榜後及第人看榜訖便綴行於五鳳樓前謝恩後赴國學謝先師舊例侵晨張榜訖貢舉考試官便出院蓋恐人榜下誼訴今年請放榜後貢舉已下至晚出勅旨五鳳樓前非舉子謝恩之所令所朝堂謝訖即赴國學試日宜令御史臺差入院司聽察

放榜日至晚出院以後永為定制餘並依奏

是月禮部貢院奏新立條件一九經五經明經呈帖之時試官書通不後有不及格者唱落後請置筆硯將所納由分明却令自看或是試官錯書通不當與改正如懷疑者使許請本經書面前格對如實是錯填即更於帖下書名而退一五科常年駁榜出多稱屈塞今年並明書所對經書墨義云第幾道不第幾道粗第幾道通任將本經書疏照證如考試官錯書不粗請別將伏陳訴當再加考校如實錯誤妄陳文狀當行嚴斷一今年舉人有抱屈落第者許將狀訴貢院當與重試如貢院不理即詣御史臺論訴請自試舉人日令御史臺差人受舉人訴屈文狀并引本身勘問所論事件或知貢舉官及試官已下取受貨賂昇擢親情屈塞藝能應副囑託及不依格去留一事有違請行朝典一懷挾書策舊例禁止請自今年後入省門搜得文書者不計多少准例扶出殿將來一舉上鋪後搜得文書者准例扶出殿將來兩舉一遙口授人迴援試處及抄義題帖書時諸般相救准例扶出請殿將來三舉一自是藝業未精格准格落下出外及見較榜後羞見同人妄扇屈聲擬為將來基止及別人帖對過場數多者便生誣玷墜陷或羅織歐罵者並當收禁牒送御史臺請賜勘窮如知貢舉官及考試官事涉徇私屈塞藝士請行朝典若虛妄者請痛行科斷牒近本道重處色役仍求不得入舉場

三月童子閏惟一等三十九人進狀伏見貢院榜童子祇放十

人乞念苦辛更加人數勅旨都於二十人須是實苦辛者仍此後不得援

末帝清泰元年九月中書門下帖太常以長興三年勅諸科舉人常年薦送先令行鄉飲酒之礼凡預舉人列從鄉賦遂奏鹿鳴之什俾騰龍化之津雅音既動於笙簧厚禮復陳於筐筥行茲盛士克振儒風宜令復行鄉飲酒之禮太常草定儀注頒下諸州預前肄習解送舉人之時便行此禮其義速具聞奏時李懌為大常文士淺於禮學唯博士段顥據禮記賓主次第申初長興中宰臣李愚好古奏行此禮累年不暇至是愚復舉奏及觀禮官所定無緒禮直官孫知訓以為古禮無次序不可施行博士或言於愚曰梁朝時青州曾行一度遂令青州放舊簿書

以聞

二年七月御史中丞盧損言天成二年二月勅每年進士合有聞喜宴春闈宴并有司所出春闈牒用綾紙並官給臣等以舉人既成名第宴席所費屬私况國用未充枉有勞費請依舊制不賜詔曰春闈冬集綾紙聞喜闈宴所賜錢並仍舊官給餘從之

九月禮部貢院言選制勅內該合行二十五道理有未及條例長興四年詔明經對墨義已前無此例條清泰二年二月詔明經念疏注問三道後許請熟卷都問十道通六即放入策天成五年二月詔學究不念書試墨道三十道清泰二年三月詔學究依舊念書并注十道後別試墨義十道及格即放入策長興

二年二月詔進士引試早入試晚出者今請依舊例進士試雜文並點門入省經宿就試往例童子表薦不解送每年所放不過十人長興四年三月詔許放二十人應順元年正月詔許放十五人今請如最後勅人數長興元年詔進士九經五經明經五科童子外諸色科目並停緣舊有明筭道舉令欲施行長興三年正月詔每年落第舉人免取文解今欲依元格諸科並再取解以十月二十五日到省畢違限不收以天成四年詔諸色舉人入試前五日納試紙用中書省印訖付貢院院司緣五科所試場數極多旋用紙鑲宿中書往來不便請祇用當司印從之

其月舉人張洞而下以去年落第人各於鄉里取解以試期近來往不及乞今年且循舊例從之來年即勒本州取解

三年五月明經崔貺等經中書訴宋州節度掌書記上封事貢舉人須依旧格取本州里文解者見附國子監諸生赴舉皆不取文解條例異同詔曰凡布化條惟務均一苟公政之無爽即中外以適從國子監每舉舉人皆自四方來集不詢解送何辨是非其附監舉人並依去年八月一日勅須取本處文解如不及第者次年便許監司解送若初投名未嘗令處取解者初舉落第後監司勿更收補其淮南江南黔蜀遠人即不拘此例監生禮部補令式在焉

晉高祖天福三年三月翰林學士承旨兵部侍郎權知貢舉崔稅奏臣謬蒙眷渥叨掌文衡實憂庸懦之材不副搜羅之旨敢

不揣摩頑鈍杜絕阿私上則顯陛下求賢次則使平人得路但以今年就舉比常歲倍多科目之中兇豪甚衆每駁榜出後則時有喧張不自省循但言屈塞互相朋扇各出言詞或云主司不公或云試官受賂實慮上達聖聽微臣無以自明晝省夜思臨深履薄今臣欲請令舉人落第之後或不其心任自投狀披陳却請所賦與疏義對證兼令其日一甲同共校量若投委試官恐未息詞理儻是實負抑屈則所司固難違憲章如其妄有陳論則舉人乞痛加懲斷異此際免虛遭謗議亦將來可久遠施行儻蒙聖造允俞伏乞降勅處分從之

四年六月勅尚書禮部歷代懸科為時取士任使貴期於稱職搜羅每慮於遺才其如銓司注官員闕有限貢闈考第人數不常雖大朝務廣於選求而常調頗聞於淹滯每候一闕或經累年遂令羈旅之人多起怨咨之論將令通濟須識從權庶幾進取之流更勵專勤之業其貢舉公事宜權停一年

五年三月詔及第舉人與主司選勝筵宴及中書舍人鞞鞋接見舉人兼兵部禮部引人過堂之日幕次飲酒會客悉宜廢之四月禮部侍郎張允奏曰明君側席雖切旁求貢士觀光豈宜濫進竊窺前代未設諸科始以明經俾昇高第自有九經五經之後及三禮三傳已來孝廉之科遂因循而不廢縉紳之士亦緘默而無言以至相承未能改作每歲明經一科少至五百已上多及一千有餘舉人如是繁多試官豈能精當况此等多不究義唯攻帖書文理既不甚通名第豈可妄與且常年登科者

不少相次赴選者甚多州縣之間必無貢闕輦轂之下須有稽留怨嗟自此而興謗讟因茲而起但令廣場大啓諸科並存明經者悉包於九經五經之中無出於三禮三傳之內若無厘革恐未便宜其明經一科伏請停廢又奏國家懸科待士貴務搜揚責實求才須除訛濫童子每當就試止在念書背經則雖似精詳對卷則不能讀誦及名成貢部身返故鄉但尅日以取官更無心而習業濫蠲徭役虛占官名其童子一科亦請停廢勅明經童子宏詞拔萃明筭道舉百第等科並停

六年五月勅明法一科今後宜令五選集合格注官目仍優與處分

少帝開運元年八月詔曰明經童子之科前代之設蓋期取士良謂通規爰自近年暫從停廢損益之機未見牢籠之義全虧將與斯文宜依舊貫廢臻至理用廣旁求其明經童子二科令後復置

十一月工部尚書權知貢舉竇貞固奏進士考試雜文及與諸科舉人入策歷代以來皆以三條為限長興二年改令畫試伏以懸科取士有國常規沿革之道雖殊公共之情難失若使就試兩節之下揮毫短景之中視畧刻而惟畏稽遲演詞藻而難求研麗未見觀光之美但同款答之由既非師古之規恐失取人之道今於考試之時准舊例以三條燭為限其進士并諸色貢舉人等有懷藏書冊入院者舊例扶出不令就試近年以來雖見懷藏多是容縱今欲振舉弛紊明辨否臧莫在必行廢為

定式十二月勅禮部貢院自後考試進士皆以三條燭為限其舉人等有懷藏書冊不令就試宜並准舊施行從竇貞固奏也漢隱帝乾祐二年刑部侍郎邊焄謹上言臣竊見每年貢舉人數甚衆動應五舉六舉多至二千三千既事業不精即人文何取請勅三京鄴都諸道州府長官合發諸色貢舉人文解者並須精加考校事業精研即得解送不得濫有舉送冀塞濫進之門

開與能之路勅從之其間條奏未及處下貢院錄天祐五年四月二十七日勅文告諭天下依元勅條件施行如有固違其隨處考試官員當准勅條處分

周太祖廣順二年二月禮部侍郎趙上交奏貢院諸科今欲不試泛義口義共十五道改試墨義共十一道從之

三年正月戶部侍郎權知貢院趙上交奏九經舉人元帖經一百二十帖墨義二十道今欲罷帖經於諸經對墨義一百五十道五經元帖八十帖墨義二十道今欲罷帖經今對墨義一百道明經元帖書五十帖欲罷帖書令對義五十道明法元帖律令各十帖義二十道欲罷帖律令對義二十道學究元念書二十道對義二十道今欲罷念書對義五十道三禮元對墨義九十道三傳元對義一百一十道欲三禮於周禮儀禮各添義二十道三傳於公羊穀梁傳各添義二十道開元禮三史元義三百道欲各添義五十道進士元試詩賦各一首帖書二十帖對義五道欲罷帖書別試雜文二首試策並仍舊童子元念書一

十四道欲添念通前五十道念及三十道者放及第從之

九月翰林學士承旨刑部侍郎知制誥權知貢舉徐合符奏貢舉之司條貫之道有沿有革或否或臧蓋趣向之不同致施行之有異今欲酌其近例按彼舊規參而用之從其可者謹條如右九經元格帖經一百二十帖對墨義汎義口義共六十道策五道去年知舉趙上交起請罷帖書汎義口義都對墨義一百五十道合今請去汎義口義都對墨義六十道其帖書對策依元格五經元格帖書八十帖對墨義五十道臣今請對墨義十五道其帖書對策依元格明法元格帖律令一十帖對律令墨義二十道策試十條去年罷帖對墨義六十道策試如舊臣今請並依元格學究元格念書對墨義各二十道策五道去年罷念書都對墨義五十道臣今請依去年起請三禮元格對墨義九十道去年添四十道臣今請並依元格三傳元格對墨義一百一十道去年加對四十道臣今請並依元格開元禮三史元格各對墨義三百道策五道去年加對五十道臣今請依並元格進士試雜文詩賦帖經二十帖對墨義五道去年代帖經對義別試雜文二首臣今請依起請別試雜文其帖書對義請依元格童子元格念書二十四道起請添念書都五十道及三十通者放臣請依起請勅國家開仕進之路設儒學之科拔業掄才登賢舉俊其或藝能素淺履行無聞來造科場妄求僥倖及當試落便起怨嗟謗議沸騰是非鋒起至有偽造制勅之語扇惑儕流巧為誣毀之言隱藏名姓以茲取事得非薄徒宜立憲章

以示澄汰其禮部貢院條奏宜依仍於引試之時精詳考校逐場去留無藝者雖應年深不得饒潛場數若有藝者雖遭黜落並許訴陳祇不得於街市省門故為誼諂及投無名文字訛毀主司如有故違必行嚴斷本司鑠宿後御史臺開封府所差守當人專切覺察其有不自苦辛祇憑勢援潛求薦託俯拾科名致使孤寒滯於進取起今後主司不得受薦託書題如有書題密具姓名聞奏其舉人不得就試今後須取本鄉貫文解若鄉貫阻隔祇許兩京給解

世宗顯德元年十一月勅國子監所解送廣順三年已前監生人數宜令禮部貢院收納文解其今年內新收補監生祇仰落下今後須監中受業方得准令式收補解送先是國學收補監生顯有條例邇來學官因循多有近甸州府不得解者即投監請補送省率以為常是歲主文者知其弊因取監司所送學生七十四狀事詳之例不合於令式悉不收試由是移次紛紜更相援引監司舉奏束脩之條以塞其議貢院告於執政因達於上聽故降是命議者非成均而是禮闈

二年三月勅尚書禮部貢院奏今年新及第進士李覃嚴說何曦武允成王汾閻丘舜鄉楊徽之任惟吉趙隣幾周度張慎微王翥馬文劉選程浩然李震等一十六人所試詩賦文論策文等國家設貢舉之司求英俊之士務詢文行方中科名比聞近年以來多有濫進或以年勞而得第或因媒勢以出身今歲所放舉人試令看驗果見紕繆須至去留其李覃何曦楊徽之趙隣

幾等四人宜放其第其嚴說武允成王汾閭丘舜卿任惟吉周
度張慎微王翥馬文劉選程浩然李震等一十二人藝學未精
並宜勾落且令苦學以俟再來禮部侍郎劉溫叟失於選士頗
屬因循據其過尤合行譴謫尚示寬恕別其條理聞奏五月翰
林學士尚書禮部侍郎知貢舉竇儀上言伏以朝廷設科比來
取藝州府貢士祇合薦能爰因近年頗隳舊制其舉子之弊也
多是統謀習業便切干名周儀未詳赴三禮之舉公毅不究應
三傳之科經學則偏試帖由進士則鮮通經義取解之處講張
妄說於辛勤到京之時奔競惟求於薦託其舉送之弊也多是
明知荒淺具委堯鹿所差考試之官利其情禮之物雖所取無
幾實啓倖非輕凡對問題任從同議謾鑿通而鑿否了無去
以無留惟徇人情僅同兒戲致令至時就試不下三千每歲登
科罕踰一百假使無添而漸放約須畢世而方周乃知難其舉
則至公而有益於人場其求則小惠而無實於事有益者知濫
進不得必致精勤無實者欲多放無能虛令來往且明經所業
已在諸科近聞應者漸多其研精者益少又今之童子比號神
童既幼稚之年稟神異之性語言辯慧精來英竒出於自然有
則可舉竊聞近日實異於斯抑嬉戲之心教念經之語斷其日
月委以師資限隔而游息不容扑扶而痛楚多及孩童之意本
未有知父母之情恐或不忍而復省試之際歲數難知或念誦
分明則年貌稍過或年貌適中則念誦未精及有司之去留多
家人之訴訟伏見晉朝之日罷此二科年代非遙勅又見在今

冊府元龜
宜厘革別俾進修臣謬以非才獲叨此任本重難而為最後遺
闕以相仍虔奉勅文重令條奏或從長而仍舊亦因弊以改為
上副聖情廣遵公道除依舊格勅施行外其明經童子請却依
天福五年勅停罷任改就別科赴舉其進士請今後省卷限納
五卷已上於中須有詩賦論各一卷餘外雜文詩篇並許同納
祇不得有神道碑誌文之類其帖經對義並須實考通三已
上為合格將來却復畫試候考試終場其不及第人以文藝
優劣定為五等取文字乖舛詞理紕繆最甚者為第五等殿五
舉其次者為第四等殿三舉以次稍優者為第三第二第一等
並許次年赴舉三禮請今後解試省試第一場禮記第二場周
禮第三場儀禮三傳第一場左氏第二場公羊第三場穀梁並
終而復始學究請今後周易尚書併為一科每經對墨義三十
道仍間經考試毛詩依舊為一科對墨義六十道及第後請並
減為七選集諸科舉人所對策問或不應問目詞理乖錯者並
當駁落其諸科舉人請第一場十否者殿五舉第二場三場十
否者殿三舉其三場內有無否者並殿一舉其進士及諸科所
發解試官監官等其監官試官如受取解人情禮財物請今後
並准枉法贓論又進士以德行為基文章為業苟容欺詐何稱
科名近年場中多有詐偽託他人之述作切自己之聲光用此
面欺將為身計宜加條約以誠輕浮今後如有倩人述作文字
應舉者許人告言送本處色役永不得仕進又切覽唐書見穆

宗朝禮部侍郎王起奏所試貢舉人試訖申送中書候覆訖下當司然後大字放榜是時從之臣欲請將來考試及第進士先具姓名雜文申送中書奏覆訖下當司與諸科一齊放榜詔並從之唯進士并諸科舉人放榜一依舊施行

四年冬十月詔曰制策懸科前朝盛事莫不訪賢良於仄陋求謹止於箴規殿庭之間帝王親試其或大裨於國政有益於時機則必待以優恩縻之好爵拔竒取異無尚於茲得人者昌於是乎在爰從近代久廢此科懷才抱器者鬱而不伸隱耀韜光者晦而莫出遂使翹翹之楚多致於棄捐皎皎之駒莫就於縻繫才遺滯用闕孰甚焉應天下諸色人有賢良方能正直言極諫經學優深可為師法詳閑吏理達於教化等者不限前資見任職官黃衣草澤並許應詔其逐處州府依每年貢舉舉人式例差官別考試解送尚書吏部仍量試策論三道共三千字已上當日內成取文理俱優人物爽秀者方得解送取來年十月集上都其登朝臣亦許上表自舉時兵部尚書張昭條奏請興制舉故有是詔

五月三月詔曰比者以近年貢舉頗是因循頻詔有司精加試諫所冀去留無濫優劣昭然昨據貢院奏今年新及第進士等所試文字或有否臧爰命詞臣再令考覆庶涇渭之不免玉石之相參其劉坦戴貽慶李頌徐緯張覲等詩賦稍優放宜放及第王汾據其文字亦未精當念以曾剝落特與成名熊若谷陳保衡皆是遠人深可嗟念亦放及第郭峻趙保雍楊丹安玄

度張昉董咸則杜思道等未甚苦辛並從退落更宜修進一俟
將來知貢院右諫議大夫劉濤選士不當有失用心可責受右
贊善大夫俾令省過以誠當官

先是壽於東京放榜後舉新及第進士刘坦已下一十五人未赴行在以其所試詩賦進呈上以其詞純繆命翰林學士李昉覆試故有是命

六年正月壬子對諸道貢舉人石熙載等三百餘人於萬春殿
舊例每歲舉人皆見於閣門外以上優待儒者故允其入見

甲戌詔曰起今後每年新及第進士及諸科舉人聞喜宴宜令
宣徽院指揮排比先是禮部每年及第人聞喜宴皆自相醜飲
以備為帝以優待賢傷故有是命

乙亥詔曰禮部貢院起今後應合及第舉人委知舉官依逐科
等第定人數姓名并所試文字聞奏候勅下後放榜

新刊監本冊府元龜卷之六百四十三

貢舉部五

考試

夫人君之有區宇也不可以獨治必求賢以共之賢士之懷德
業也不可以自進必待君以任之所以舉善急賢前古之明訓
論才考藝有國之大方唐虞之際於斯為盛漢魏之下可得而
論納敷奏之言則衆善必舉下賢良之詔則群才競出經濟之
業斯備甲乙之科乃懸以至較藝實之精微察器識之優異授
之王爵任以民政群國以康風俗以化得人之效於斯可見求
賢之道百世可知

漢文帝十五年詔有司舉賢良文學士帝親策詔之

臣欽若等日凡制策

有對者並具貢舉對策門
其不對者即錄於此也

武帝元光元年五月詔賢良曰朕聞在昔唐虞畫象而民不犯

二帝但畫衣冠異章服而民不敢犯也白虎通云益象者其衣服象五刑也犯墨者蒙中犯剝者以赭著其衣犯黷者以墨蒙

其黷象而化之犯宮者扉犯大辟者布衣無領墨謂以墨點其面也剝截其鼻也黷去脉蓋骨也宮割其陰也扉草履也剝音

牛翼切字或作剝者其音同日月所燭莫不率俾也俾使也率循耳黷音煩忍切扉音扶音切

皆循其貢職周之成康刑錯不用錯置也音德及鳥獸教通四

而可使其貢職周之成康刑錯不用千故切音德及鳥獸教通四

海海外肅春東夷今挹婁地是也既在扶余之東北千餘里大海

北發渠搜禹貢折支渠搜屬雍州在金城河關之西四戎也地

交趾此舉北以南為對也禹貢氏羗徼服也徼古往來之字星辰

渠搜在雍州西北渠搜在朔方不亭日月不蝕山陵不摧川谷不塞麟鳳在郊數河洛在圖書

鳴虜何施而臻此與虜讀呼今朕獲奉宗廟夙夙以求夜寐以思

若涉淵水未知所濟猗舉偉與與詩曰狄何行而可以先帝之

洪業休德上參堯舜下配三王朕之不敏不能遠德言德不及

此子大夫之所睹聞也睹古賢良明於古今王事之體受策察

問威以書對著之于篇篇謂竹朕親覽焉於是董仲舒公孫弘

等出焉

後漢光武建武十九年巡狩汝南召掾史試經群小吏周防充

能誦讀拜為守丞

順帝陽嘉元年七月丙辰以太學新成試明經下第者補弟子

增甲乙科員各十人除群國耆儒九十人補郎舍人

二年有地動山崩火災之異公卿舉李固對策陽嘉二年詔公卿舉敦撲之士

衛尉賈逵舉固也詔又特問當世之弊為政所宜

質帝本初元年四月令群國舉明經年五十已上七十已下詣太學自大將軍至六百石皆遣子受業歲滿課試以高第五人補郎中次五人太子舍人千石六百石四府掾屬三署郎四姓小侯先能通經者各令隨家法四府掾屬諸大將軍掾屬二十九人太守掾屬二十四人比二千名三署郎皆屬馬三署謂五官署左右署也儒生為詩者謂之詩家礼者謂之礼家故言其高第者上名牒當以資賞各隨家法也四姓小侯解見上

靈帝熹平五年十二月試大學生年六十以上百餘人徐郎中太子舍人至王家郎郡國文學吏

獻帝初平四年九月試儒生四十餘人上第賜位郎中次太子舍人下第者罷之詔曰孔子歎學之不講不講則所識日忘今

耆儒年踰六十去離本土營求糧資不得專業結童入學白首

空歸長委農野永絕榮望朕甚愍焉其依科罷者聽為太子舍

人

時長安宮中為之誼曰頭白皓然食不充糧裹衣裹裳當還故鄉聖主愍念悉用補郎舍是布衣被服玄黃

晉武帝泰始中詔天下舉賢良直言之士濟陰太守文立舉郤

詵應選詔曰蓋太上以德撫時易簡無文至于三代禮樂大備

制度彌繁文質之變其理何由虞夏之際聖明係踵而損益不

同周道既衰仲尼猶曰從周因革之宜又何殊也先王既沒遺

制尤存霸者迭興而翼輔之王道之缺其無補乎何陵遲之不

反也豈霸德之淺期運不可致歟且夷吾之智而功止於霸何

哉夫昔人之為改革乱亡之弊建不刊之統移風易俗刑措不

用豈非化之盛歟何修而嚮茲朕獲承祖宗之休烈于茲七載

而人未服訓政道周迷以古况今何不相逮之遠也雖明知弗及猶思郡賢慮之將何以辨所聞之疑昧獲至論於謹言乎如自頃戎狄內侵災害屢作邊氓流離征夫苦役豈政刑之謬將有司非其任歟各悉乃心究而論之上明古制下切當今朕之失德所宜振補其正議無隱將敬聽之

摯虞舉賢良與夏侯湛等十七人第為下第拜中郎武帝詔曰省諸賢良答策雖所言殊塗皆明於王義有益政道欲詳覽其對究觀賢士大夫用心因詔諸賢良方正直言會東堂策問曰頃日蝕正陽水旱為災將何所脩以變大生目及法令有不宜於今為公私所患苦者皆何事凡平世在於得才得才者亦借耳目以聽察若有文武器能有益於時務而未見申叙者各舉其人及有負俗謗議宜見濯洗者亦各言之

阮种察孝廉為公府掾是時西虜內侵災青屢見百姓饑饉詔王公卿尹常伯牧守各舉賢良方正直言之士於是太保何曾舉种賢良策曰在昔哲王承天之序光宅宇宙咸用規矩乾坤惠康品類休風流行彌于千載朕應踐洪運統位七載於今矣惟德弗嗣不明于政宵旰惕厲未燭厥猷子大夫韞韜道術儼然而進朕甚嘉焉其各悉乃心以闡喻朕志深陳王道之本勿有所隱朕虚心以覽焉种對曰夫天地設位聖人成能王道至深所以行化至遠故能開物成務而功業不匱近無不服德逮群生澤被區宇声施無窮而典垂百代故經曰聖人久於其道而天下成化宜師蹤生代襲迹三五矯世更俗以從人望今率

土迂義下知所適播醇美之化杜邪枉之路斯誠郡黎之所欣
想盛德而幸望休風也又問政刑不宣禮樂不立又問咎徵作
見又問經化之務又問將使武成七德文濟九功何路而臻于
茲凡厥廢事曷後曷先

華譚廣陵人太康中徐州刺史嵇紹舉譚秀才譚至洛陽武帝
親策之曰今四海一統万里同風天下有道莫斯之盛然比有
未羈之虜西有醜施之氐故謀夫未得高枕邊人未獲晏然將
何以長弭斯患混清六合又策曰吳蜀恃險今既蕩平蜀人服
化無攜二之心而吳人越睢屢作妖寇豈蜀人敦撲曷可化誘
吳人輕銳難安易動乎今將欲綏靜新附何以為先又策曰昔
帝舜以二八成功文王以多士興周夫制化在於得人而賢才
難得今大統始同宜搜才實州群有貢薦之舉猶未獲出群卓
越之倫將時無其人而致之未得其理也

甘卓為湘州刺史中興初以邊寇未靜學校陵遲特聽不試孝
廉而猶依舊策試卓上疏以為答問損益當須博通古今明達
政体必求諸墳素乃堪其舉臣所忝州往遭寇亂學校久替人
士流播不得比之餘州策試之由當籍學功謂宜同孝廉例由
與期限疏奏朝議不許卓於是精加隱括備禮舉桂楊谷儉為
秀才儉辭不獲命州厚禮遺之諸州秀才聞當考試皆憚不行
唯儉一人到臺遂不復策試儉取其州少士乃表求試以高第
除中郎

宋高祖永初二年二月車駕幸延賢堂策試諸州群秀才孝廉

揚州秀才顧練豫州秀才殷郎所對稱旨並以為著作佐郎南齊武帝永明四年車駕中堂策秀才

梁戚衮年十九武帝勅策孔子止言并周礼礼記義衮對高第乃除揚州祭酒從事謝幾卿超宗之子召補国子生齊文惠太子自臨策試謂祭酒王儉曰幾卿本長玄理今可以義訪之儉承旨發問幾卿隨事辨對辭無滯者文惠大稱賞焉儉謂人曰謝超宗為不死矣

後魏孝文太和十六年正月帝臨思議殿策問秀才

北齊止會日侍中黃門宣詔勞諸群上計勞訖付紙遣陳士宜字有脱誤者呼起席後立書迹濫劣者飲墨水一升文理孟浪無可取者奪容勺及席既而本曹郎中考其文迹才辭可取者

錄牒吏部簡用流外三品叙

武成帝河清二年正月帝詔臨朝堂策試秀才

馬敬德河間人也少好儒術河間群王每於教學追之將舉為孝廉固辭不就乃詣州求秀才例取文士州將以其純儒無意推薦敬德請試方略乃策問之所答五條皆有文理乃欣然舉送至京依秀策問十條並通擢授國子助教迁太學博士

隋房暉遠為國子博士開皇中文帝令國子生通一經者並悉薦舉將擢用之既策問訖博士不能的定臧否祭酒元善恠問之暉遠曰江南河北義例不同博士不能遍涉學士皆持其所短稱己所長博士各自疑所以久而不決也祭酒因令暉遠考定之暉遠覽筆便下初無疑滯或有不服者暉遠問其所傳義

疏輒為始末誦之然後出其所短自是無敢飭非者所試四五
百人數日便決諸儒莫不推其通博皆自以為不能測也

杜正玄開皇末舉秀才尚書試方略正玄應對如響下筆成章
僕射楊素負才傲物正玄抗詞酬對無所屈撓素不悅久之會
林邑獻白鸚鵡素促召正玄使者相望及至即令作賦正玄蒼
卒之際拔筆成章素見文不加點始異之因令更擬諸雜文十
有餘條又皆立成而辭理華贍素乃嘆曰此真秀才吾所不及
也

唐太宗正觀十八年三月己丑有鄜州所舉孝廉賜坐於御前
帝問曰歷觀往古聖帝明王莫不得一奉天心以黎元為本隆
邦建國亦以政術為先天以氣變物莫知其象君以術化人不
顯其機氣以隱質為虛術以潛通為妙運之無為施之無極故
能清風蕩石域長轡控八荒不令而行不言而信欲尊此術未
辨其方想望高才以陳良策孝廉等久之無對又令皇太子問
之曰夫子何以為曾參說孝經孝廉荅云夫子以弟子之中參
最稱孝所以為說太子曰禮記云公明儀問曾子曰夫孝子先
意誠志喻父母為善參直養而已安能為孝據此而言參非云
孝又問禮云居處不莊非孝也事君不忠非孝也莅官不正非
孝也朋友不信非孝也戰陣無勇非孝也五者不遂灾及於親
此五孝施用若為差等孝廉不能荅次令近臣迭問仁孝之名
誰所創作明其優劣仁孝何先又問孝廉於四行之內居第幾
科又問社主之義殷相周粟秦漢已來若為變改又問堯舜聖

德應貽厥孫謀何因朱均以降絕滅無後孝廉並不能答帝曰
昔楚莊王謀事群臣莫及退而有憂色曰諸侯能自得師者王
自為謀而莫己若者亡今以不穀之不肖群臣莫吾逮吾國幾
亡乎朕發語徵天下俊異終以淺近問之咸不能答海內賢哲
將無其人耶朕甚憂之令引就中書省射策所答乖旨於是下
詔曰朕遐想千載旁覽九流詳求布政之方莫若薦賢之典是
以元凱就列及徵可以立帝功管隰為臣中人可以成霸業朕
緬懷曩烈虛己英竒斷斷之士必昇於廊廟九九之術不棄於
閭閻猶恐在陰弗和獨善難奪永言髦傑无忘寤寐是以去夏
之中爰動翰墨披露丹府疇咨海內尺木既樹思覩游霧之郡
雲羅宏舉佇降翔庭之翼而諸州所舉十有一人朕載懷及席
別入內殿假以溫顏略訪政道莫能對敷相顧結舌朕仍以其
未覩庭闕能無戰悚令於內省更以墨對雖搆思彌日終不達
問旨理既乖違詞亦庸陋豈可飭丹漆於朽質假風雲於決起
者哉宜並放還各從本色其舉主以舉非其人罪論仍加一等
然則今之天下猶古之天下也寧仲舒伯始之流徧鍾美於往
代季彥廣基之侶猶絕響於今辰故其見之也則平津與樂安
並進其不用也則敬通與寧伯同悲淮陽所以與言子長所以
始嘆因斯論之良由俊造難進或固栖遲之節牧宰循常未
盡搜揚之道撫事長息彌增撫然其令州縣依前薦舉皆集合名
竒偉必收浮華勿採無使巴人之調濫吹於蕭韶魏邦之珍沉
光於江漢務盡報國之義以副欽賢之懷

高宗顯慶四年二月引諸色目舉人謁見下詔策問之凡九百餘人唯李巢張昌宗秦相如崔行功郭待封五人為上第令待詔弘文館仍時隨侍供奉

調露元年十二月壬子帝臨軒引岳牧舉人問之曰兵書云天陣地陣人陣名何謂武涉尉員牢千對曰臣觀載籍謂天陣星宿孤虛也地陣山川向背也人陣徧伍彌縫也臣以為不然夫師出以義有若時雨得天之時此天陣也兵在足食且耕且戰得地之利此地陣也能使兵士如父子兄弟得人之利坎人陣也三者去矣將何以戰帝又問皇道帝道王道何以區別朕今可行何道長壽令蕭思問越州參軍周彥昭以次應詔帝皆稱善甲寅御製問目以試之

則載天初元年太后臨朝二月十四日試貢舉人于洛城殿前

數目畢

臣欽若等曰殿前
前試人自茲始也

玄宗開元九年四月甲戌親策試應舉人於含元殿謂曰古有三道今減從一道近無甲科朕將存其上第務收賢俊用寧軍國仍令有司設食五月壬戌有司引應制舉人見勅曰興化立理急於雋賢呈才效用屬在文武朕拱點思道寤寐旁求長想幽側屢申徵賁今邊隅未靜師旅時興屬聽鼓鞶載懷屠釣廣求百夫之特以作四方之守總夫戎政爰詔武臣弘我風教諒惟儒林鄉等或謀慮深遠或學藝該通來應旌招深副虛佇並宜朝堂坐食訖且歸私第即當有試期也乙亥親試應制舉人於含元殿命有司置食勅曰鄉等智蘊韜略學綜古今喬木將

迂虛鍾待扣既膺旁求之辟佇聞明試之言各整尔能對敷所
問古有三道朕今減其二策近無甲科朕將存其上第務收賢
雋用寧軍國並宜卽生緩詳思之

十四年七月癸巳帝御洛城南門樓親試岳牧舉人及東封獻
賦頌人命太官置食賜物有差

應文詞秀逸舉人崔明允等二十人儒學博通刘忠等八十軍
謀越衆令狐朝等七人並科目各依資授官

十載九月辛卯御勤政樓試懷才抱器舉人命有司供食有舉
人私懷文策坐殿三舉並貶所保之官丙申舉人並不第勅曰
朕祗膺寶曆殷鑒遠圖慮草澤之遺賢降引旌以屢辟是以
三紀于茲群才輻奏各一言可紀必適輪轅一善有經每加獎進

廢六合之內靡然同風四科之門咸能一貫何茲意之緬邈而
增修之寂寥今者舉人深乖宿望朕之所問必正經史卿等所
答咸皆少通所問多否以猶鑒未周必資僉議爰命朝賢三等
精加詳擇咸以為闕於聚學莫可登科至於每歲秀才有司考
試帖經問策兼以雜文假以及第在階選序今之將舉待以榮
班各非異才孰可超獎鑿鑿經傳且未精勤俯拾青紫豈宜僥
覲其懷才抱器舉人並放更習學卽好去其有不對策羅嘉茂
既是白丁宜於劔南効力全不達所問崔慎惑劉灣等勤為本
群充學生之數勿許東西其所舉官各量貶殿以示懲誡

十三載十月御含元殿親試博通墳典洞曉互經詞藻宏麗軍
謀出衆等舉人命有司供食既而暮罷其詞藻宏麗科問策外

更試律賦各一首制舉試詩賦自此始也時登甲科者三人
子正字揚綰最為所稱乙第者凡三十餘人

肅宗乾元二月三月丁亥御宣政殿親試文經邦國等四科舉
人

代宗寶應二年五月丙寅尚書省試應制舉人左丞侍郎對試
賜舉人食如舊儀

大曆二年十月御紫宸殿策試茂才異行安貧樂道孝悌力田
十五年五月詔中書門下引文武舉人就中策試於是藍田縣
尉蕭諒右衛尉曹梁涉邠州柱國子張玘等對策稍優錄奏帝
謂源軋懼杜暹李元紘等曰朕宵衣旰食側席求賢所以每念
搜揚者恐草澤遺才無由自達至如畿尉衛佐未經推擇更與

褐衣爭進非朕本意由是唯以張玘為下第放選餘悉罷之九
月庚辰帝御洛城南門親試沉淪草澤詣闕自舉文武人等

二十六年八月甲申親試文詞雅麗舉人命有司置食勅曰古
者求士必擇其才考之以文施於有政自非要体何用甄明頃
年已來亦嘗親試對策者衆而登科者少蓋由宿構之詞不與
問相對所以然也卿等博達古今聿膺推薦朕之所問皆有節
目宜指事而對勿措游詞並宜坐食食訖就試有郭納姚子彥
等二十四人升第皆量資授官

二十九年八月御興慶門樓親試明道德經及莊文列子舉
人問策曰朕聽政之暇常讀道德經文列莊子其書文約而義
精詞高而旨遠可以理國可以保身朕敦崇其教以左右人也子

附錄
大夫能從事於此甚用嘉之夫古今異宜文質相變若在宥而
不理外物而不為行遂古之化非御今之道適時之術陳其所
宜又禮樂刑政所以經邦國聖智仁義所以序人倫使之廢絕
未知其旨道德經曰絕學無憂則乖進德業之教列子力命曰
汝奚切於物又違懲惡勸善之文二旨孰非何優何劣文子曰
金積折廉壁壘且申其義莊子曰恬與和交相養明徵其言使
一理混同二教兼舉成不易之則副虛佇之懷有姚子彥靳能
元載等策入第各授之以官

天寶元年九月庚申御花萼樓試文武舉人命有司供食十
月高道不仕等四科舉人

六年四月戊午御宣政殿親試諷諫主文茂才吳等智謀經武
博學專門等四科舉人帝親慰勉有司常食外更賜御厨珍
饌及茶酒禮甚優異舉人或有弊衣采色者帝憫之謂左右曰
兵革之後自廢未豐皆自遠來資糧不足故也固為之泣下
時方炎暑帝具朝衣日危坐讀太宗正觀政要及舉人策成悉
皆觀覽一百餘道將夕有策未成者命大官給燭令尽其才思
夜分而罷時登科者凡一十五人

新刊監本冊府元龜卷之六百四十三

新刊監本冊府元龜卷之六百四十四

貢舉部

六

考試第二

唐德宗正元元年九月乙巳御宣政殿策賢良方正能直言極諫等三科舉人皇帝詔曰蓋聞上古至道之君垂拱無為以臨海內不理而人化不勞而事成星辰軌道風雨時若邈乎其不可繼何施而臻此歟三代以來制作滋廣異文質之變明利害之嚮威之以刑道之以禮敦其俗而彌薄防其人而益踰豈澆醜必繫於時邪何聖賢間生而莫之振也朕祗膺累聖之業猥居兆人之上虔恭惕厲如恐失墜憂濟庶務夕惕晨興唯永前王之典謀朕乃是憲是則師大禹以崇儉法高宗以求賢興夏

啓之征作周文之罰旌孝悌舉直言養高年敦本業平均徭稅
黜陟幽明勵精孜孜勤亦至矣然而浮靡不革理化不行恭亂
不懲姦犯不息五教猶鬱七臣朱臻鄉黨廢尚齒之義蒸黎無
安土之志賦入日減而私室愈貧廉察日增而吏道愈濫意者
朕不明歟何古今之事同而得失之效異也思欲剗革前弊創
立新規施之於事而易從考之於文而有據備陳本末將舉而
行無或憚煩略於條對自頃陰陽舛候稔沴荐興仍歲旱蝗稼
穡不稔上天作孽必有由然屢降凶災其咎安在傳曰時之不
乂厥罰暘又曰堯湯水旱數之常也二者乖及其誰云從今人
靡蓋藏國無廩積朕屢延鄉士詢訪謀猷至乃減冗食之徒罷
不急之務旣開嘉話亦已遵行而停廢之餘所費猶廣侯轉輸

於江徼則遠不及期將搜粟於關中則優而無獲節軍食則功
臣懷怨省吏員則多士靡歸中心浩然罔知攸濟子大夫蘊蓄
材器通明古今副我虛求森然就列裨朕之寡昧極時之艱災
畢志直書無所隱

十月甲子授賢良方正能直言極諫韋執誼等一十八人官有
差

十年九月丁丑以官授賢良方正能直言極諫前進士裴均等
一十人

憲宗元和元年四月丙午命宰臣已下監試應制舉人於尚書
省以制舉人皆先朝所徵故不親試制曰朕以寡薄獲奉睿圖
嚴恭寅畏不敢暇逸永惟萬邦之廣庶務之殷而燭理未明躅

道未至思欲復三代之盛烈顯十聖之耿光是用詳求正言思
繼先志子大夫等藏器斯久賁然而來白駒就維洪鍾待扣膺
茲獻納朕甚嘉之言觀國光宜有廷試本將詢事豈忘臨軒園
邑有其營奉是切求言誠感未暇躬親爰命公相泉于鄉士親
諭朕意延訪嘉謀至於興化之源才識攸重練達吏理詳明儒
術當是三道副朕旁求意或開予靡有所隱條例所問畢志盡
規當酌古而參今使文約而意備朕將親覽擇善而行並宜坐
食訖就試策賢良曰朕觀古之王者君人受命兢業敬天順地
靡不思賢能以濟其化求讜直以聞其過故禹拜昌而嘉獻罔
伏漢徵極諫而文學稍進康時濟俗罔不率繇厥後相循有名
無實而又設以科條增求茂異捨斥已之至言角無用之虛說
文旨著明罕稱於代茲朕所嘆息鬱悼思索其真是用虛遜惻
之誠咨体用之要庶乎言之可行行之不倦上獲其益下輸其
情君臣之間驩然相與子夫得不勉思朕言而茂明之我國家
光宅四海年將二百十聖弘化萬邦懷仁三王之禮靡不講六
代之樂罔不舉寢澤于下升中于天周漢已還莫斯為盛自禍
階漏壞兵宿中原生人困竭耗其太半農戰非古衣食罕儲念
茲疲疇遂乖富庶督耕植之業而人無戀本之心峻推酤之科
而下有重歛之困舉何方而可以復其盛用何道而可以濟其
艱既往之失何者宜懲將來之虞何者當戒昔主父懲患於晁
錯而用推思夷吾致霸於齊桓而行於令精求古人之意啓迪
來哲之懷眷茲洽聞固所詳究又執契之道垂衣不言委之於

下則人用其私專之於上則下無其效元帝優游於儒學盛業
竟衰光武責課於公卿峻政非美二途取捨未獲所從余心愴
然益所疑惑子大夫敦究其旨屬之於篇興自朕躬無悼後害
辛酉詔曰構大厦者必揔於群材成大川者亦資於百谷故思
理之主賢才罔所以昭宣令圖廣大前緒觀文緝化其在茲乎
朕以寡昧獲奉丕業虛已問政實始於茲考言求益敢不祗若
故命左右輔弼洎有位之臣會於中臺必究其論密以獻省
自朕躬果獲賢能副于饑渴才識廉茂明於体用科人第三次
等元稹韋惇第四等獨孤郁白居易曹京伯韋慶復第四次等
崔韶羅讓崔護元脩薛存慶韋珩第五上等蕭俛李蟠沈傳師
柴宿達於吏理可使從政科等五上等陳祐等咸以待問之美

觀光而來詢以道之覆要于九變之選得失之覽粲然可觀宜
膺德茂之異式叶言揚之舉其第三次等人委中書門下優與
處分第四等四次等第五上等中書門下即與處分三年二月

御宜政殿試四科舉人

裴垣元和初召人翰林三年詔舉賢良
時有皋甫湜對策其言激切牛增孺李

宗閔亦若該時政考官楊於陵韋貫之考三策皆在弟垣居中
復視無所同異及為貴偉汝訴請罪於帝帝不得已出於陵貫
之官罷垣翰林學士除戶部侍郎

穆宗以元和十五年正月即位二月壬寅勅應賢良方正直言
極諛科等人宜令中書門下尚書省四品已上三月二十三日
於尚書省同試

三月戊午吏部尚書趙宗儒等奏應制科人等伏奉今月十一
日勅比者先朝徵集應制人等已及時限恐皆來自遠方難於

久住酌宜審事遂委有司定日就試如聞所集之人多已分散
須知審的議裁定其令所司商量聞奏者伏以制科所設本在
親臨南省策試亦非舊典今覃恩既畢庶政惟親况山陵日近
公務繁迫待問之士就試非多臣等商量恐須停罷從之
長慶元年三月勅今年進士及第鄭郎等一十四人宜令中書
舍人王起主客郎中知制誥白居易試聞奏

四月丁丑詔曰國家設文學之科本求才實苟容僥倖則異至
公訪聞近日浮薄之徒為朋黨謂之關節干擾主司每歲策名
無不先定永言敗俗深用興懷鄭郎等昨令重試意在精覈藝
能乃於異書之中固求深僻題目責令所試成就以觀學藝淺
深絲竹管絃是祭天之樂出於周禮正經閱其試文都不知其

本事詞律鄙淺無累至多亦令宣示錢徵庶其深自懷愧誠宜
盡棄以警將來但以四海無虞人心方泰用引寧僭式示殊恩
特掩尔瑕庶明予志孔温業趙存約竇洵直所試適與及第盧
公亮等十人並洛下從自今已後禮部舉人宜准開元二十五
年勅及第訖所試雜文并策送中書門下詳覆貶禮部侍郎錢
徵為江州刺史

十月詔文武常參官及諸州府准制舉薦賢良方正人等以十
一月二十五日御宣政殿策試宜令所司准式

十一月戊午御宣政殿試制科舉人制曰古人有言常引一代
之人以理一代之務雖雋賢茂彥不乏於時然亦在敷納以言
精覈其實若決川瀆以遵其氣考金石以求其音使抱忠義者

必盡其誠知古今者必先其慮朕慕承鴻業以撫兆人常欲效
三代之禮脩烈祖之法猶念和氣之未洽休祥之未臻百姓之
未安五兵之未戢故詳延修絜之士庶得乎未聞將以達天地
之心究俗化之變研安危之慮探理亂之言子大夫覃思於六
經馳驚於百氏得不講求至論以沃朕心方直者舉朕之關政
術者體時之要慕召遠者裨其論瞻文詞者抑其華言經者折
衷於聖人以明教化論將者先之以仁誼無效縱橫於戲子大
夫當朕之時必思自達且古之翼戴其君者尚委輅納說荷瞻
吐竒由壺關以上言自南昌而諷刺况文陛之下負宸親臨若
藏器不耀結囊而去顧朕深志復何望焉當體予衷無懼後害
宜坐食訖就試又策賢良曰蓋聞舜禹之有天下也起於側微

積德累勳多歷年所經聖之慮豈有遺哉然猶好問察言勤求
賢士蓋以承天之任重憂人之志深也况朕長於深宮涉道日
淺奉列聖之洪緒撫萬寓之黎人夙夜嚴恭不敢有懈實懼燭
理未究省躬未明所以詳求讜言以輔不逮予大夫是宜發所
蘊蓄沃予虛懷當極意正詞勿有隱諱昔王政之興必臻於康
泰霸道所立由致於富彊我國家提封溢於三代斟酌兼乎百
王無堯湯之災積祖宗之理而人未蕃庶俗尚彫訛家無蓋藏
公闕儲峙卒乘之數貨帛之資統而校之莫計前代豈率土生
植變於古歟將阜時政令失於今歟固以揣摩必窮利病明徵
末失之漸具陳興復之迹且文武兼學以成身士農迭居以豐
業故家給足以戀本才周可以應時近古各徇一端不相資用

政令從事異心難以成課民快無守輕為游墮指明共貫之方
訴合二途之利永言致理期酌厥中施為或鄰得失斯遠將修
睦勸義則在下難知將任數馭情則人心益偽思聞旨要得合
誠明旌別比周之情敷忠忠厚之道知人則哲從古收慎孔微
恐泥五事難精或望可服人而智非周物或言皆請理而行或
乖方宜陳取捨之端以彰真偽之辨至於朝廷之闕四方之弊
詳延而至可得而書退有後言朕所不取子大夫其勉之中書
舍人白居易膳部郎中陳岵考貢員外郎賈餗同考制策

十二月辛未制曰朕自邳上玄御端門發大號與天下更始思
得賢雋標明四科令郡公卿士暨守土之臣詳延下位周於草
澤成列待問副予虛求昧爽臨軒俾究其論正辭良術精義宏

謀繹之旬時深見忠益言刈其楚列而第之賢良方正能直言
極諫第三等人龐嚴第三次等人呂術第四等人韋曙姚中立
李躔第四次等人崔嘏崔龜從任畹第五上等人韋正貫崔知
白陳玄錫博通墳典達於教化第四等人李思玄詳明政術可
以理人第四次等人崔郢軍謀宏遠堪任將師第三等人吳思
第五等人李商卿咸以謚學茂識楊子明庭况當短晷之辰頗
著論思之美粲然高論深沃朕心永言藏器之規豈忘繫駒之
義寵之上命允荅嘉猷其第三等人委中書門下優與處分其
第四次等人第五上等人中書門下即與處分甲申以登制科
人前試弘文館校書郎龐嚴為左拾遺前試秘書省校書郎張
述為右拾遺前試大帝寺協律郎吳思為右拾遺內供奉京兆

府富平縣尉韋曙為左拾遺內供奉前鄉貢進士姚中立李躔
崔嘏並可秘書省校書郎同州縣軍崔龜從為京兆府鄠縣尉
太子正字任畹為京兆府興平尉草澤為韋正貫為太子校書
郎前鄉貢進士崔知白為秘書省正字前鄉貢進士崔郢為太
子校書郎前鄉貢進士李商卿為崇文館校書郎制曰昔仲尼
之門以四科品第諸一所得十哲今吾徵四海九州之士而登
名者十五有人搜羅簡收非不勤至以今况古可謂才難是用
詔爵以嘉獎其忠超擢以光明其道俾巖石之下人思自奮晁
董之盛遠以為隣延登諫垣式佇忠益離書結綬皆曰顯途脩
其秩次亦示科等服我遠命助我遠猷可依前件敬宗寶曆元
年三月辛酉詔常叅及諸州府准去年三月三制舉諸色科目

見到總三百一十九人今月二十八日御宜政殿臨試移竹所
司准式辛未帝御宣政殿試制舉人詔曰服聞心術順道天下
可一言而興聰明壅途堂上有千里之遠故唐虞而降則考試
觀俗漢魏之際則詔策求賢朕纘紹丕圖撫臨方夏實懼試有
所偏信鑒有所未周乃前歲詔六官九卿方岳尹正有位之士
逮于庶僚高懸四科博薦群彥將訪衆政之闕酌至論之中子
大夫庭列儼然可應其品是用宵興前殿永日渴求條列坦明
咸本經史子大夫之所講筴當竭誠慮無有藏宜坐食訖就試
以中書舍人鄭誦吏部郎中李虞仲並充考制策官丁亥制曰
朕深居法宮高處宸極常慮天下多務壅於上聞朝廷大猷闕
於中典至於伏陛叩顙造膝犯顏皆驟迂顯榮寵以優錫尤思

物不得茂遂道有所鬱堙是用虛中訪賢側席前殿緘密以獻
閱自朕躬切勵于違無所回忌第于上下揚于正朝吾之不
亦可謂信于海內矣賢良方正能直言極諫科舉人第三等唐
伸韋端符舒元襄第四等蕭敞楊魯士楊儉來擇趙祝裴憚第
四次等韋繇李昌實嚴荆田豐崔璜第五上等李滌蕭夷中馮
球元晦詳閑吏理達於教化科第五上等韋正貫軍謀宏遠材
任邊將科第三等裴儔等四次等侯雲章咸以讜言正詞兵符
教本應問如饗不窮如泉著之子篇爛然盡在且膺中鵠之選
用叶縻爵之經在第三等人委中書門下優與處分第四等第
四次等第五上等中書門下即與處分後不數日帝謂宰相曰
韋端符楊魯士皆涉物議且與外官端符授同州白水縣尉魯
士授與元府城固縣尉宰臣等竟請罪名不得

文宗太和二年三月辛巳御宣政親殿策試制舉人詔曰志本
於道蓋道以致君為先代實生才蓋方以理濟為務不索何以
獲其實不言何以知其志故帝克垂詢衆之訓殷宗首沃心之
術其傳曰嘉言罔攸伏又曰俊乂用彰漢魏以還詔策時作暨
于我唐遵為故事由是善政惟又魁能間出朕祇荷大寶勤恤
兆人明不燭于幽昧惠未流于鰥寡御朽兢慮求思求圖是以
詔命有司會群才列稽疑延闕政子大夫達學通識儼然來思
操觚濡翰條誨宿滯慰我虛佇必弘嘉猷故臨命軒書策以審
訪繼燭侯奏其悉乃辭各宜坐食食畢就試左散騎常侍馮宿
太常少卿賈餗庫部郎中龐嚴宜並充考制策官是日宰臣等

以監試制舉人及夜並宿於中書省甲午詔曰王者謹天戒酌人言叶時凝命資化贊理斯為令典也朕以菲德祇膺大統歲屬凶旱人思底寧庶察弊以勸理因舉能而詢衆科別條問臨軒致試載搜尤才果副虛佇賢良方正能直言極諫科舉人等三第裴休裴素第三次等李邵等四第南卓李甘杜牧馬植鄭亞崔璵等四次等崔儼王式羅紹京崔渠崔慎由苗愔常昶崔搏第五上等崔渙韓賓詳閑吏理達於教化科舉人第四次等宋昆軍謀宏遠堪任將帥科人第四次等鄭冠李拭等皆直躬導道博古知微敷其遠猷志在引意實能攻朕闕紹政經究天人交際之理極皇王道變之義指切精洽粲然可觀既拔才於試可宜旌能於受祿其第三等第三次等人委中書門下優於

處分第四次等第五上等人中書門下即於處分時有劉蕡應直言極諫科條對激切凡數千言雖不中第其文本行於時三年三月御史臺據吏部分察姚中立稱准勅考試別頭進士明經等官考功員外郎高錯考試禮部閑送到進士鄭齊之孝景兩人明經王淑等一十八人並及第放榜之後群議沸騰職當分察不敢緘默及得高錯狀伏以進士明經並先無格限期所送進士二人文藝並堪與及第明經北年所送不過三五人今年禮部閑送一十人及考試帖義十一人並堪與及第勅鄭齊之李景素據所試比較常例得者不堪過差宜並與及第明經王淑等五人覆試帖義通數高並與及第餘落之

武宗會昌四年二月權知貢舉左僕射判太常卿王起下及第

二十五人續奏五人堪放及第揚知至竇緘陽嚴鄭朴源重奉
勅只放揚嚴及第餘落下

五年二月左諫議大夫陳商知舉放進士二十八人覆落八人
時以去年僕射王起知舉放二十五人續奏江陵節度使崔元
式甥鄭起東部留守牛增孺文婿源重故相竇易直子緘監察
御史楊收第嚴勅遣戶部侍郎翰林學士白敏中覆試落下三
人唯放揚嚴一人至是又遣敏中覆試落下八人議者以為公
宣宗大中元年正月禮部侍郎魏扶放及第三十三人續奏堪
放及第三人封彦卿崔琢鄭延休等皆以文藝為衆翰林學士
戶部侍郎知制誥韋琮等考尽合程度其月二十三日奉進止
並付所司放及第有司考試只合在公如涉徇私自有刑典從
今以後但依常例取捨不得別有奏聞

十二年三月中書舍人李潘知舉放博學宏辭科陳琬等三人
及進詩賦論等召潘謂曰所試詩中重用字何如潘曰錢起湘
靈鼓瑟詩有重用字乃是幾帝曰此詩似不及起乃落下

懿宗咸通十一年止月以吏部尚書蕭鄴吏部侍郎于德孫吏
部侍郎楊知溫考官司勳員外郎李輝禮部員外郎崔澹等考
試應宏詞選人

十二年三月以吏部尚書蕭鄴吏部侍郎歸仁晦李當考官司
郎中鄭紹業兵部員外郎陸勳等試宏詞選人

十三年三月以吏部尚書蕭鄴吏部侍郎獨孤雲考官職方郎
中趙蒙駕部員外郎李超考試宏詞選人試日蕭衝差右丞孔

溫裕權判

僖宗乾符四年正月以吏部尚書鄭從讜吏部侍郎孔晦吏部侍郎崔堯考宏詞選人

五年六月以吏部尚書鄭從讜吏部侍郎崔沆考宏詞選人

六年三月以吏部侍郎崔沆崔澹試宏詞選人駕部郎中盧蘊刑部郎中鄭頊為考官

後唐莊宗同光三年四月癸酉勅爰設高科顯求良士貴揚才俊以叶人明今歲放人不多固宜精當近聆輿論頗鬱時情其新及第進士符蒙正等宜令翰林學士承旨盧質就本院覆試兼令學士使楊彥珞監試丁亥勅禮部貢院今年新及第進士符蒙正成僚王澈桑維翰四人國家歲命春官首司貢籍高懸

科級明列等差廣進善之門為取士之本所重者藝行兼著鄉里有稱定才實之淺深振聲明於夷夏必當得雋允副旁求爰自近年竊成澆俗多聞濫進全爽舊章朕自興復丕圖削平偽紀方作事以謀始盡革故以昇新蓋欲窒弊止訛去華務實成為要道無切於斯今據禮部奏所放進士符蒙正等四人既慊輿情弊頗干浮論須論覆覈裨塞群言又遣考詳貴從精覆及再覽符蒙正成僚等呈試詩賦果有疵瑕今若便要去留慮乖激勸儻無昇降即昧甄明况王澈臚物可屬辭甚妙細披製作最異濟流但應試以救成或求對而不切桑維翰苦無紕繆稍有功夫止當屬對之間累失求妍之美須推事藝各定否臧貴叶允平庶諧公共其王澈改為第一桑維翰第二符蒙正第三

成僚第四禮部侍郎裴臯在掄才之際雖非阿私當定名之時頗虧優劣但緣符蒙正等既無絀落裴臯特議寬容勿負憂疑已從釋放自今後應禮部常年所試舉人雜文策等候過堂日委中書門下准本朝故事細加詳覆方可奏聞不得輒徇人情有隕事實時命盧質覆試於翰林院試后從諫則聖賦以堯舜禹湯傾心求過為韻呂事君以忠詩是歲誠進士科者數十人裴臯精選其文唯得王澈覃或諧毀於宣徽使李紹宏白今年新進士不由才進各有阿私物議以為不可紹宏訴於郭韜因奏令盧質覆試質為賦韻五平声三仄声且踰常式覆試之日中外騰口議者非之

晉高祖天福七年五月勅應諸色進策人等皆抱材能方來投獻宜加明試俾盡臧謀起今後應進策條中書奏覆勅下其進策人委門下省試策二道仍定上中下三等如是元進策條內有施行者其所試策或上或中者委門下省給與臧選或出身優牒合格叅選日其試策上者委銓司超一資注疑其試策中者委銓司依資注擬如是所試策或上或中元進策條並不施行所試策下元進策條內有施行者其本官並仰量與恩賜發遣若或有所試策下所進策條並不施行便仰曉示發遣不得再有投進餘並准前後勅文處分

周太祖廣順元年六月差翰林學士魚崇諒就樞密院引試進策人考定陞降聞奏

三年五月勅進策獻書人宜令翰林學士申明炳如樞密院引

試定優劣聞奏

世宗顯德二年三月勅書禮部貢院奏今年新及第進士李覃嚴說何曦武允成王汾問丘舜卿楊徽之任惟吉趙隣幾周度張慎微王翥馬文劉選程浩然李震等一十六人所試詩賦詩賦文詞策等國家設貢院之司求英俊之士務詢文行方中科名比聞近年已來名有濫進或以年勞而得第或因媒勢以出身今歲所放舉人試令看驗果見紕繆須至去留其李覃何曦楊徽之趙隣幾等四人宜放及第其嚴說武允成王汾問丘舜卿任惟吉周度張慎微王翥馬文劉選程浩然李震等一十三人藝學未精並宜句落且令苦學以俟再來

五年三月詔曰比者近年貢舉頗是因循頻詔有司精加試練所冀去留無濫優劣昭然作據貢院奏今年新及第進士等所試文字或有否臧爰命詞臣再令考覈庶涇謂之不雜免玉石之相參其劉坦戴貽慶李頰徐緯張覲等詩賦稍優宜放及第王汾據其文詞亦未精當念以比曾剝落特與成名熊若及陳保衡皆是遠人深可嗟念亦放及第郭峻趙保雍楊丹安玄度張昉董咸則壯思道等未審甚苦辛並從退落更宜修進以俟將來十一月乙卯命翰林學士竇儼試進策官曹巨源鄧果李峴等於禁中策曰王者以禮御人倫以樂和天地以兵柔萬國以刑齊兆民四者何先殊塗同知或因或革各適所宜故五帝殊時不相襲禮三王異世不相沿樂兵有務戰之異刑有輕次重次之差歷朝弛張繁不具引自唐祖混一函夏太宗嗣成聖

功言其理則三王有常言其樂則七宗有殊兵息而臣道咸順
刑措而民心不渝五帝三王不足尚也越自天寶之後國經混然
禮樂湮墜而衆不知兵刑煩擾而下不畏朱梁晉漢皆用因仍
洎我朝創已來力務興振然董歇燼滅歷年滋多焦思勞神觀
效未著予欲文慈子孝兄友弟恭君仁臣忠夫義婦聽聲明文
物無其缺祝嘏辭說必有序萬儀咸秩百神受職家肥國肥知
之尊也當用何理副茲虛懷予欲六律六品七正九變金石絲
竹之器羽旄干戚之容敬其政舞其德與夫文音武坐比崇昔
時天和地平知樂之崇也子當原辯其理為時陳之予欲混同
天下親征未服手振金鼓跋履山川如商高宗之伐鬼方若魏
威帝之登柳塞則六師所至供億無窮衆興民勞自古皆慎若
但任偏將屯於邊鄙縱兵時入茹食居人交尸塞路暴骨盈野
終歲如是得無憫然何以令佳兵不興彼魁革面王塗無所圮
隔方貢自來駿奔更思爾謀以逮明略予欲一斤鉞不用刀鋸
不弊桎梏朽嘉無所施設無成春鬼薪之後無三居五宅之流
畫衣冠而人不犯虛囹圄而人不入无刑之理何以致諸子大
夫博識洽聞窮微覩奧提筆既千於竒遇撞鍾必應於嘉音抱
屈將伸直言勿隱既而以所對之詞上進乃授巨源及景簿掾
賜峽進士出身

新刊監本冊府元龜卷之六百四十五

貢舉部七

科目

自三五以來貢舉之目未之聞也考諸周制乃有德用道義之舉謂之賢能又有四士曰選曰俊曰造曰進自鄉大夫司徒樂正皆論其秀司馬論其賢然後官之此周公所以垂大法也漢魏而下以迄于五代或召郡國限其口率或令公卿舉其所知或廣示於詳延或兼許其自至正及科級之沿革名品之差異申千有餘里蓋數十百數今之論選歷代而小年成亦盡於斯而已矣

漢惠帝四年正月詔舉民悌力田者

文帝二年十一月詔舉賢良方正能直言極諫者

十五年九月召諸侯王公卿郡守舉賢良方正直言極諫者

武帝建元元年冬十月召丞相御史列侯中二千石諸侯相舉

賢良方正言極諫之士

元光元年十一月祁合群國舉孝廉各一人孝謂善士父母二謂情繫有廉禹也

元對五年四月召令州郡察吏民有茂才異等可將相及使絕

域者

昭帝始元五年六月召令三輔太常舉賢良各二人郡國文學

高第各一人

宣帝本始元年四月召內郡國舉文字高第各一人

四年四月召令三輔太常內郡國舉賢良方正各一人

地節三年十一月詔舉吏民群國舉孝悌有行義聞於鄉里

者各一人

元康元年八月詔舉吏民厥身修正通文字明於先王之術宣

究其意者各二人中二千石各一人

四年正月制舉茂才異倫之士

神爵四年四月詔令內郡國舉賢良可親民者各一人

元帝初元二年三月召丞相御史二千石舉茂才異等直言極

諫之士

永光元年二月召丞相御史舉質樸敦厚遜上有行者光祿歲

以此科第郎從官始今丞相御史舉共四科人以擢用之而見在郎及從官又令光祿每歲依此科考六又

定其第高下甲知其人賢否

知其人賢否

二年三月召內群國舉茂異等賢良直言之士一人

成帝建始二年二月召三令內群舉賢良方正各一人

三年十二月召丞相御史與將軍列侯中二千石及內郡舉賢良方正能直言極諫之士

江加二年三月詔舉敦厚有行義能直言者

元延元年七月詔內郡國舉方正能直言極諫者各一人北邊二十二都勇猛知兵法者各一人

哀帝建平元年二月詔大司馬列侯將軍中二千石州牧守相舉孝悌惇厚能直言通正士延于側陋可親民者各一人

四年冬召將軍中二千石舉明兵法有大慮者

元壽元年春正月召將軍列侯中二千石舉賢良方正能直言者各一人

平帝元始元年五月召公卿將軍中二千石舉惇厚能直言者各一人

二年秋舉勇武有節明兵法郡一人詣公車

後漢光武建武七年四月召公卿司隸州牧舉賢良方正各一人遣詣公車

章帝建初元年二月召太傅三公中二千石二千石群國守相舉賢良方正能直言極諫之士各一人

五月初舉孝廉郎中寬博有某任典成者以補長相

也謂長縣長相謂侯相

八年十二月召書辟士四科一曰德行高妙志節清白二曰經

任堪使也典主

明行修能任博士三曰明曉法律足以決疑能案章覆問文任御史四曰明教多略遭事不惑明足照姦勇足斷決才任三輔令皆存孝悌清公之行自今已後審四科辟召及刺史二千石察舉茂才尤異孝廉吏務實校識以職有非其人不習曹事正舉者故不以實法之也

和帝永元六年三月召令三公中二千石二千石內郡守相舉賢良方正能直言極諫之士各一人

七年四月詔有司詳選郎官寬博有謀才任典臧者三十人安帝永初元年三月詔公卿內外官群國守相舉賢良方正者道術之士明術達古今能直言極諫者各一人

五年閏三月詔令三公特進侯中二千石郡守諸侯相舉賢良方正有道術達放政化能直言極諫之士各一人及至與衆卓異者并遣詣公車

七月詔三公特進九卿校尉舉列將子孫明曉戰陣任將帥者元和元年四月詔三公特進列侯中二千石二千石郡守舉厚質直者各一人

建光元年十一月詔三公特進侯卿校尉舉武猛堪將帥者各五人

順帝初即位詔公卿郡守國相舉賢良方正能直言極諫之士各一人

永和三年九月令大將軍三公各舉故刺史二千石及見令長郎謁者四府掾屬剛毅武猛有謀謨將帥者各二人特進卿校

尉各一人

漢安元年二月詔大將軍公卿舉賢方正能探顯索者各一人
冲帝永嘉元年九月詔三公特進侯鄉校尉舉賢良方正幽逸
修道之士各一人

桓帝建和元年四月詔大將軍公卿校尉舉賢良方正能直言
極諫者各一人詔大將軍公卿群臣舉至孝篤行之士各一人
三年六月詔大將軍三公特進侯其舉鄉校尉舉賢良方正能
直言極諫之士各一人

永興二年二月詔公卿校尉舉賢良方正能直言極諫者各
一人

延熹八年正月詔公卿校尉舉賢良方正

九年正月詔公卿校尉群臣舉至孝

七月詔舉武猛三公各二人鄉校尉各一人

靈帝中平元年三月詔公卿舉列及吏民有明戰陣之略者詣
公車

魏文帝黃初四年五月詔舉天下雋德茂才獨行君子

明帝泰和二年十月詔公卿近臣良將各一人

四年十二月詔公卿舉賢良

青龍元年三月詔公卿舉賢良篤行之士各一人

晉武帝泰始四年十一月詔王公卿及群臣守相舉賢良正直
言之士

五年十二月詔州郡舉勇猛秀異之才

七年六月詔公卿以下舉將帥各一人

八年二月詔內外郡官舉任邊郡者各三人

大康九年五月詔內外郡臣舉守令之才

成帝咸和六年三月詔舉賢良直言之士

七年十一月詔舉賢良

宋孝武大明六年正月詔其有懷真抱素志行清白或識通古今才經軍國具以名聞

前廢帝景和元年八月詔曰其有孝性忠節幽居遯棲信誠行義廉正表俗文敏博識幹事治民者精加詳括

明帝泰始二年十一月詔曰林澤真栖丘園耿潔博治古今敦崇孝讓者具即以聞隨就褒立

五年九月詔其有身拙隱約息事衡樊志恬江海行高塵俗者所在精加披括時以名聞

後廢帝初即位詔其有孝友門族義讓光問或匿名屠釣隱采耕收足以整厲澆風扶益淳者俟

聞嘉薦

梁高祖天監元年四月詔若懷寶迷邦蘊竒待價蓄響藏真不求聞達並依騰奏

十四年正月南郊詔若有確然鄉黨獨行州閭肥遯丘園不求聞達藏器待時未加收採或賢良方正孝悌力田並即騰奏具以名上

普通三年五月詔連率郡國舉賢良方正直言之士

大清元年正月詔或德茂州閭道行鄉邑或獨行丘壑聞達不

求咸使上言

陳文帝天嘉元年七月詔王公已下其各進賢良

宣帝大建四年九月赦詔耆艾絕倫或妙年異等九厥在位各舉所知

後魏明年元末興五年二月詔有德行清美學優儀博可為人師者令詣京師

太武延和元年十二月詔州郡進舉賢俊各令鄉閭推舉既至當待以不次之舉隨才文武任之政事

孝文延興二年秋七月壬寅詔州郡縣各遣二人才堪專對者赴行在所

三年各十一月詔其力田孝悌才器有益於時信義著於鄉閭者具以名聞

太和十七年九月詔孝悌廉義文武應求者皆以名聞

十八年春正月詔孝悌廉義文武應求者皆以名聞

十一月辛未詔冀定二州孝義廉貞文武應求者具以名聞

十二月詔郢豫二州孝悌廉義文武應求具以名聞

十九年四月詔兗州刺史舉部內士人才堪軍國具以名聞

六月詔孝悌廉義文武有堪者具以名聞

二十一年正月詔雍州其孝友德義文學才幹悉仰貢舉

前廢帝普泰元年三月詔有德孝仁賢忠義志信者可以禮召赴闕

比齊孝昭皇建二年詔其高才良器允文允武理識深長幹其

通濟操履凝峻學業宏贍諸如此輩隨取一長無待兼資方充
舉限

後周閔帝元年八月詔二十四軍宜舉賢良堪治民者

建德三年二月詔六府各舉賢良清正之人

四年十月詔諸畿郡各舉賢良

六年三月詔山東諸州各舉明經幹治者二人若奇才異術卓
爾不郡者不拘多少

隋文帝問皇三年正月詔舉賢良

十八年七月詔經官五品已上總管刺史以志行修謹清平幹
濟二科舉人

仁壽三年七月詔令州縣搜揚賢否皆取明知今古通識治
亂究政教之本達禮樂之源者不限多少不得不舉

煬帝大業三年四月詔夫孝悌有聞人倫之本德行敦厚立身
之基或節義可稱或操履清潔所以激貪厲俗有益風化強毅
正直執憲不撓學識優敏文才美秀並為廊廟之用實乃瑚璉
之資才堪將略則技之以禦侮膂力駑壯而任之以爪牙爰及
一藝可取亦宜採錄文武有職者五品以上宜依今十科舉人
有一於此不必求備朕當待以不次隨才并擢

五年六月詔諸群學業該通才藝優洽膂力駑壯超絕等倫在
官勤舊堪理政事亦性正直不避強禦四科舉人

十年五月詔群舉孝悌廉潔各十人

唐太宗正觀十一年四月詔其有孝悌淳篤兼閑時務儒術該

通可為師範文詞秀美才堪著述明識治體可委字民并志行
修立為鄉閭所推者舉送洛陽宮

十五年六月詔令天下士庶之內或識達公方學綜今古廉潔
正直可以經國佐時或孝悌淳篤節義昭顯始終不移可以敦
風厲俗或儒術通學堪師範或文章秀異才足著述並宜薦舉
具以名聞

十七年五月乙丑詔令州縣舉孝廉茂才好學異能卓犖之士
高宗以正觀二十三年六月即位九月詔其有經明行修談講
精熟具此師嚴才堪教胄者志節高妙適用精通博聞強正終
堪鄉輔者遊情文藻下筆成章援心處事端平可紀者疾惡揚
善依忠履義執特典憲終始不移者京司長官上都督府及上

州各舉二人中下州刺史各舉一人

顯慶元年十月詔宜令河南河北江淮已南州縣或綿俗之英
聲馳管樂或濟時之器價逸蕭張材堪公輔者必當任之不次
二年二月詔宜令京官五品以上及諸州牧守各舉所知或勇
冠三軍翹闕拔山之力知兼百勝締地經天之才蘊竒策於良
平馳功績於衛霍蹤二起於吳白軌雙李於牧廣賞繼善而萬
衆悅罰片惡而二軍懼如有此色可精加採訪各以奏聞三年

二月志秋霜科

韓思彦
及第

五年六月詔內外官四科舉人或孝悌可稱德行夙著通涉經
史堪居繁劇或游詠儒術沉礮冊府不倦博物馳聲或藻思清
華詞鋒秀逸譽標文雅材堪遠大或廉平處事強直為心洞曉

刑書兼苞文藝者精加搜訪各以名薦

龍朔三年八月詔内外官五品以上各舉巖毅幽素之士

乾封元年幽素科蘇瓌解琬苗神客格輔元徐昭劉訥言崔谷神及第

二年十月各天下諸州舉鴻儒碩學頗聞強記之士

上元三年正月詞殫文律科崔融及第

儀鳳元年十二月詔或孝悌通神遐邇推敬或德行光俗邦色

崇仰或學綜九統垂帷觀奧或文高六義下筆成章或備曉八

音洞該七曜或射能穿扎力可翹閔或丘園秀異志存栖隱或

將帥子孫素稱勇烈亦有婆婆鄉曲負材傲俗為讖議所斥陷

於跡弛之流者各以名聞

二年十二月詔或才蘊廊廟器均瑚璉體王佐之嘉猷資公輔

之宏量或奇謀異筭決勝千里或投石拔距勇冠三軍或塞謬

忠量志存規弼或繩違科惡不避權豪或威惠仁明堪居牧守

之重或公正廉直足膺令長之任或宜搜訪具錄封進

調露元年七月詔或孝悌純至感於神明或文武兼資材堪將

相或學業該博標儒首或藻思宏贍詞擅文宗或洞曉音律識

均牙曠或深明歷數妙同宗管者咸令薦舉

永隆元年岳收舉武陟縣尉員半千及第

則天垂拱四年十二月詞標文苑科房晉皇甫瓊王旦及第

永昌元年正月蓄文藻之思科彭景直及第抱儒素之業科李文慰及第

長壽三年四月臨難不顧徇節寧邦科薛稷及第

證聖元年長才廣度沈迹下僚科張及第

萬歲通天元年文藝優長科及第韓琬

神功元年九月絕倫科禮蘇題崔玄童袁仁趙敬不欺及第

大足元年理選使孟詵拔萃科崔翹鄭少疾惡科及第馮石石

長安二年龔黃科馮克庵及第

中宗神龍元年二月詔九品以上及朝集使賢良方正直言之

士

二年二月令舉天下鴻儒碩學之士是年有才膺管樂科張大求魏

啓心魏惜盧絢張文成褚瑯咸虞業郭隆趙不為及第才高位下科馮石石晁良及第三年材

堪經邦科張齡九環及第賢良方正科蘇晉宋務光寇泚及第

景龍三年抱器懷能科侯鈺及第茂才異等科王敬從盧重玄及第

睿宗景龍元年十二月制舉有能明三經通其大義者能綜一

史知其本末者通三教宗旨究其精微者善六書文字辯其聲

象者博推造曲度知六律五音者明韻略學孫吳識天時人事

者暢於詞氣聰於受顧善敷奏吐納者咸令所司博采明試以

聞

二年文以經國科袁暉韓朝宗及第藏名負俗科李俊之及第

太極元年二月命文武官五品以上各舉才堪軍將及邊州都

督刺史一人玄宗先元年十二月制令京文武及朝集使五品

已上各舉堪克將帥者一人又有文經邦國科韓林及第良才異等

科趙各儀及第寄以宣風則能興化變俗科郭璠之及第道侔伊呂科張九

齡及第手筆

俊拔超越流輩科杜昱張子漸張秀明常元名趙居正賈登刑巨及第

二年六月詔其諸州有抱器懷才不求聞達者訪名聞奏

開元二年六月甲子制其有茂才異等拔萃超群咸令自舉其

年有言極諫科梁昇鄉表哲人奇士逸倫屠釣科孫述良士異

等科各舉其人

五年二月詔有嘉遁幽栖養高不仕者州牧各以名薦是年有

文史兼優科李昇期康元文儒異等科崔侶褚庭

六年博學通議科鄭少微蕭

七年文詞雅麗科邢巨苗晉鄉褚思

九年正月詔曰諸州官人百姓有智合孫吳可以運籌決勝有

勇齊賁育可以斬將塞旗或臨戎却寇堪為一保之雄各聽自

舉務通其實

十一年正月丁卯制其沈倫草澤抱德栖遲並委府縣搜揚

十二年將帥科裴敦復房

十五年二月制曰草澤中有文武高才者聽詣闕自舉是年應

武足安邊科鄭昉樊高才沉淪草澤自舉科鄧景山

十七年才高未達沈迹下僚科吳鞏

十九年博學宏詞科鄭昉陶

二十一年多才科李史魚

三十三年正月詔其或才有玉霸之略學究天人之際智勇堪

將帥之選政能當牧宰之舉者五品以下清官及軍將都督刺

史各舉一人孝悌力田鄉閭推挽者本州刺史長官各以名聞

是年舉王霸科劉堆智諫將帥科張重光崔圖

二十七年正月制令諸州刺史舉德行尤異不求聞達者

二月制草澤間有殊才異行文堪經國者所由長官以禮徵送

天寶元年正月一日詔有儒學博通及文詞秀逸或有軍謀越

衆或武藝絕倫者具以名薦是年有舉文詞秀逸科崔明允顏

六載風雅古調
科薛據及第

十三載二月詔其博通墳典洞曉玄經清白聞詞藻宏麗軍謀

出衆武藝絕倫者自舉是年舉詞藻宏麗科楊綰及第

肅宗至德元年七月詔有直言極諫才能宰牧文詞博達武藝

絕倫孝悌力田沈淪草澤聽詣闕自陳

二年十二月詔其有文經邦國學究天人博於經史工於詞賦

善於著述精於法理軍務制勝武藝絕倫並於任所在自舉委

郡守銓擇奏聞不限人數

上元元年閏四月詔宜令中外五品以上文武正員官各舉賢

良方正直言極諫一人武藝文才俱堪濟理者亦任狀舉其或

文乏詞策武非騎射但權謀可以集事材力可以臨戎方圓可

收亦任通策代宗廣德元年七月詔有懷才抱器安貧守節養

素丘園為衆所知者具以名聞諸色人中有孝悌力田經術通

博文詞雅麗政理優長各以名薦

永泰元年正月制孝悌力田懷才抱器遺逸未經薦達者各委

州府聞奏親當策試

大曆元年十一月制天下有安貧樂道孝悌力田者具以名聞

朕當親自策試二年應樂道安貧科楊曆及第

五年六月詔内外文武及前資官六品已下并草澤中有碩學專門茂材異第智謀經武諷諫主文者仰所在表薦

六年諷諫以主文科鄭珣李益及第

德宗以大曆十四年五月即位六月詔天下有業尤著高蹈丘

園及直言極諫之士具以名聞諸色人中有友悌力田及以經

學優深文詞清麗軍謀宏遠武藝殊倫者亦具以名聞能詣闕

自陳者亦聽建中元年應賢良方正能直言極諫科姜公輔元

臣元膺及第文詞清麗科梁輔封通玄及第經學優深科孫璣黎

第高蹈丘園科張紉衡及第軍謀越衆科夏后審平知和鄭偁

孝悌力田聞於鄉閭科郭皇中崔浩李牧及第

正元元年九月詔賢良方正能直言極諫第三等人委中書門

下郎超資與處分第四等人即優與處分第五等人即與處分

是年舉賢良方正能直言極諫科常執誼鄭利用穆質楊鄒裴

鄭敬槐弘簡沈元祐除充及第博通墳典達於教化科熊執易劉簡甫及第洞韜略堪任

將帥科許贊及第

四年正月詔賢良正能直言諫者高道不仕隱居嵩穴孝悌力

田聞於鄉里所在長官具以名聞親當策試是月四月應賢良

方正能直言極諫科崔元翰裴次元李彝崔農史年陸虞柳公

元易正及第清廉守節政術可稱堪任縣令科李孝悌力田聞於鄉

問科張皓及第

九年十一月制諸色人中有賢良方正能直言極諫或博通墳

典於教化或詳明政術可以理人者委常參官及州府長吏各

舉所知當親策試

十年十月賢良方正能直言極諫科裴珣王播朱諫裴度熊執

甫鑄王仲舒許季同仲博通墳典達於教化科及第朱頴詳於政術

可以理人科張平叔李景亮及第

十一月三月諸州准制薦隱居丘園不求聞達蔡戊等九人並

授試官令給公乘赴京到日量才叙用

憲宗元和元年四月才識兼茂明於體用科元稹常惇獨孤郁

慶復崔瑄羅讓崔護薛存慶亨珩達於吏理可使從政科蕭睦

二年正月制天下諸色人中有賢良方正能直言極諫博通墳

典達教化軍謀宏遠堪任將帥詳明政術可以理人委內外官

各舉所知當親策試

二年四月賢良方正能直言極諫科牛增孺皇甫湜李宗閔李

起郭球姚度博通墳典達於教化科馮苞軍謀宏遠材任將帥

袁威及第及第樊宗師達於吏理可使從政科蕭睦

十四年七月諸色人有賢良方正能直言極諫博通墳典達於

教化軍謀宏遠堪任將帥詳明正術可以理人者委內外官各

舉所知當親自策試

穆宗長慶元年正月詔諸人中有賢良方正能直言極諫博通

墳典達於教化軍謀宏遠堪任將帥詳明政術可以理人委有

司各舉所知是年十二月應賢良方正能直言極諫科寵嚴任

姚中立常曙李回崔假崔龜從詳明政術可以理人科崔郢軍

常五貫崔知白陳玄錫及第謀宏遠材任將帥科吳思李通博墳典達於教化科李思玄

敬宗以長慶四年正月即位三月詔諸色人中有賢良方正能直言極經學優深可為人師詳開吏理達於教化軍謀宏遠材任邊將帥委常參官并諸道節度使觀察使諸州刺史各舉所知寶曆元年四月賢良方正能直言極諫科唐仲湯儉常端符舒元褒蕭舜湯魯二來擇趙祝裴暉常繇李昌實嚴李涯蕭夷中馮球元晦及弟詳明吏理達於教化科常正貫及軍謀宏遠材任邊將科裴儔侯平章及弟

文宗大和元年正月制諸色人中有賢良方正能直言極諫者及經學優深可為師法詳開吏理達於教化軍謀宏遠堪任將帥者常參官及方牧郡守各舉所知無人舉者亦聽自舉

二年閏三月賢良方能直言極諫科裴休裴素李邵南卓李其杜牧馬植鄭亞崔博崔興

王式羅邵京崔渠韓賓崔慎由苗惜常昶崔燠崔讜及弟詳明吏理達於教化科宋昆軍謀

宏遠堪任將帥科鄭冠李式及弟

開成元年正月制其有藏器俟時隱身巖穴奇節獨行可激風俗者各以聞

梁太祖開平三年制其有卓犖不羈沈潛用晦負王霸之業蘊經濟之謀究古今刑政之源達禮樂質文之奧機籌可以制度經術可以辨疑旋具奏聞然後試其所長待以不次四月九月詔如有卓犖不羈沈潛自負通王霸之上略達文武之大經究古今刑政之源達禮樂質文之變朕則待以不次委以非常

後唐明宗天成二年四月中書奏尚書禮部貢院申當司奉今月六日勅吏部流內銓狀據白院狀當司先准禮部貢院牒據成德軍解送到前進士王蟾狀請罷揖深州司功參軍應公詞

舉前件人准格例應重科合在吏部其王蟾并解牒送吏部請
准例指蹤者當司具狀申堂奉判吏部分牒近年事例如何者
伏緣近年別無事例今檢登科錄內偽內偽梁開平三年應宏
詞科二人前進士余湜承旨舍人李愚考官二人司勳郎中崔
景兵部員外郎張貽憲者再具狀申堂奉判送吏部准例指揮
者其前進士王蟾應宏詞考官試官合在流內銓申請者前進
士王蟾請應宏詞伏自近年以來無人請應今詳格例合差考
官二人又緣只有王蟾一人獨應銓司未敢懸便奏請差官者
奉勅宜令禮部貢院就五科舉人考試者狀以舉選公事皆有
格條准新定格節文宏詞拔萃准長慶二年格吏部差考試官
二人與知銓尚書侍郎同考試聞奏又准格節文內准大和元

年十月二十三日勅應禮部諸色貢舉人及吏部諸色科目選
人凡無出身及未有官只於禮部應舉有出身有官方合於吏
部赴科目選其應宏詞舉前進士王蟾當年放及第後尋已闕
過吏部訖若應宏拔例待南曹判成即是科選選人事理合歸
吏部緣五科考試官只考學業難於同考宏詞者奉勅王蟾宜
令吏部准往例差官考試長興元年八月三日尚書吏部奏據
禮部貢院牒送到付試請應書判拔萃前號州盧氏縣王簿張
岫親書紙內對六節判四通二粗准例入第五上等其所試判
今錄奏聞奉勅宜令所司今後吏部所應宏詞拔萃宜並權停
周世祖顯德四年十月制曰制策懸科前朝盛事莫不訪賢良
於仄陋求謹正於箴規殿庭之間帝王親試其或大禪於國政

有益於時機則必待以優恩縻之好爵拔竒取異為尚於不得
人者昌於是乎在爰從近代久廢此科懷才抱器鬱而不伸隱
耀韜光晦而莫遂使翹翹之楚多致於弃捐皎皎之駒莫就於
縻繫遺才滯用闕孰甚焉應天下諸色入中有賢良方正能直
言極諫經學優深可為師法詳兩吏理達於教化者不限前資
見任職官黃衣草澤並許應詔共遂處州府依每歲貢舉人式
例差官別考試解送尚書吏部以量試策論三道共三千字以
上當日內成取文理俱優人物爽秀者方得解送取來年十月
集上都其登朝官亦許上表自舉時兵部尚書張昭上言請興
制舉故有是命

冊府元龜卷之六百四十五



